



卞郎中詩集卷之二

門生錫山吳綆編刊

五言近體

釣臺南即景

巖居兩三處風景似桃源但見厨烟起不聞人語諠空  
山無虎豹散地足雞豚若得有人出停舟欲與言

見漁者

水水風風處三三兩兩漁問渠皆土著嗟我且舟居但  
得終年樂從教與世踈桃源若可到相引意何如

賀美之同游

賀老今復作酒船何必回行雲輕若絮流水淨於苔石



室他年闕岩扉盡日開相懽聊復爾世事亦悠哉

書永嘉九山第一暉公壁

叢林開丈室支遁接時賢一會經三宿重來越兩年草  
玄今未畢茶夢昔曾圓南望東西塔鐘聲隔暮烟

胡惟正隱居處

一運入深塢東西杳莫分瀑流飛作雪嵐氣散為雲隔  
樹聞禽語眠花見鹿群茫茫皆宦海高世獨徵君

次韻荅鄒光大

歲月不我與長懷白髮愁翩翩雁北去浩浩水東流何  
物真堪託吾生信若浮能詩今謝朓有約一登樓

其二

芳辰不可負同會且忘形既入神仙府還登吏隱亭洗  
盃鷗渚白隱几鳳山青多謝浮丘伯傳予相宦經

其三

望望諸峯遠行行一逕斜詩篇渾汗漫歌曲不喧譁玉  
塵依禪榻金貂付酒家三朝老學士曾看上林花

寄隱者

曾訪岩栖處金戴石榻前歌君紫芝曲和我白雲篇火  
宿燒丹竈烟生種玉田致身真福地三聘未幡然

舟子

舟子半老稚雙牽百丈洪憐渠朝涉苦似我暮途窮寒  
日晴兼雨亂山西復東因思宇宙內多少困租庸

次韻蔣仲學歲暮感懷

匆匆人欲別，冉冉歲將終。不轉心如石，多愁髮似蓬。杯  
寒無奈雪，燭短不禁風。老我成何用，亨衢爾漸通。

其三

南華論齊物，細覽惜篇終。汝器寧非璉，吾心只是蓬。寸  
陰知愛日，萬里慕搏風。渺渺天南北，何時問訊通。

靜樂

達人腔子裡，久已與天游。丈室生白月，孤琴橫素秋。畏  
途常擾擾，樂地自休休。翻笑漆園吏，觀魚濠上頭。

嘉禾游寺

偶入白蓮寺，如過蒼苔林。鳥啼春寂寂，僧定晝沉沉。山

色如看畫，泉聲似聽琴。悠然坐磐石，頓爾息機心。

用杜韻書夏希明詩冊

昔聞真隱傳，今見絕交書。歲月雙蓬鬢，乾坤一草廬。草  
埵無老雀，野水有潛魚。身世都忘卻，何須咏卜居。

其二

東郭筍何濫，北山文自移。垂垂成一老，碌碌耻群兒。李  
愿歸盤谷，岑參遊羨陂。漁家舊隣舍，渾不用藩籬。

其三

簪裾為隱吏，鐘鼓樂清時。懶問揚雄字，貪吟杜甫詩。野  
花多寶鬘，庭蔓足青絲。春色撩人甚，追遊敢後期。

其四

境靜塵不到人間日自長雙梧張羽蓋萬竹豎檀捨  
治  
汴采蘋藻溝塍收稻梁時時歌擊壤一飯感吾  
皇

其五

甲子無心記梅花又一年挂衣向蘿月濯足在雲泉曲  
轉綠江路平連負郭田巢由千載上此興共悠然

次韻葛惟厚

交態惟青眼浮生易白紛南州尋孺子東閣夢郎君書  
到讀三過愁來瘦幾分何當一歡會錦席倚高雲

其二

客歸誰歎歎花發自垂垂三月尚憂色一生多遠離渚

蓮無故葉庭樹有新枝何日東林竹平安報我知

胡惟章讀書處

江水繞門巷村墟遠市廛讀書不求仕遺世若登仙竹  
屋寒凝雪熬燈夜吐烟一心千古上默坐自悠然

從祖林規號稼隱

自分為農好從教去國賒薄田十五頃負郭兩三家淺  
水生蒲葉輕風落稻花無名蕪吏隱畊鑿是生涯

九山寺東魏太守銘

偶來移榻坐差勝借船居寺有雞園樹僧無鼠壤蔬鳥  
啼如聽曲客至且看書羨殺頭陀輩年年得自如

其二

五馬頻相過高情慰索居公田分玉粒賓館薦冰蔬已  
是容投刺何曾厭借書謝公今復見此後許誰如

其三

時或有佳處終焉無定居吳門春店酒越地夏畦蔬古  
刻康樂傳新臨逸少書遊山尋舊約風雨意何如

其四

刺史舊相識拾遺今獨居山園種鴈樹夜雨剪春蔬  
詠泊心如禱詩成手自書了翁千載上景仰泰山如

其五

遠道歸未得幽懷孰與論高僧來日本古寺顏雲門  
晚色風花落晨光露葉翻爐薰飛欲盡相對坐忘言

其六

未必新知樂仍須舊事論分司居畫省待漏立金門  
月斧手中握天馱馬上翻急流宜勇退老衲有斯言

其七

否泰觀周易行藏讀魯論深游同白谷別業在青門  
隱豹晝深伏驚鴉夜亂翻因之識靜躁此意向誰言

其八

酒後方外飲詩向社中論未竟三餘學難窺衆妙門  
貞心如石介辨舌似瀾翻敢敵駢增行長城欠五言

分題玉井蓮壽華守方

雪藕何所得云從玉井來子皆連帶結花亦並頭開品

第憑詩筆分嘗薦酒盃梯雲登泰華何日許相陪

次韻答陳克莊

干將不小試寶匣且藏諸任我耕莘野何人歎草廬  
乘軒羞老雀戀餌恠懸魚亦有潛夫論休言懶著書

贈吳文瑞

傾蓋尚如故論文十載餘紙應敷道義豈獨事琴書宿  
雨消殘暑清風鼓太虛衷襟於此豁天地即吾廬

齒落

行年五十七一齒又云除剛者信不足柔哉知有餘力  
衰難咀嚼風漏莫吹噓豈為投梭者吾非謝尚與

黃孟德耕野

傳野即莘野江陰非漢陰箕山牽犢去梁甫卧龍吟東  
作須堯曆南風鼓舜琴桔槔是農具誰謂有機心

具慶堂吳以榮堂扁二首

季子多金易中年具慶難椿萱抱無恙殊水得承懽爾  
髮非衰白其顏似渥丹八荒開壽域猶幸此團圓

燕嘉

賓主東南美升階有禮儀同來燕賀處高吟底鳴詩投  
轄留何甚飛觥醉不辭門前有曲水不是習家池

懷武昌學諸生

升堂諸達者大半舊相從濯雨皆文豹嗜泥有螯龍捷  
音何杳杳離恨轉重重願見題名錄春風滿笑容

寄通州潘學正楷

走運西關路無由去采芹交情秋淡淡俗事雨紛紛筆  
秃多臨帖囊空少鬻文寒驢雖得借吏散已斜曛

其二

高齋宿秋夜情思各依依遠道幾時盡浮雲終日飛鐘  
聲未寺殿燈影隔隣微惆悵漂零日緇塵滿布衣

其三

門地清於水襟懷豁若春人便堪問道我恨不為隣黑  
龍晨炊慣青藜夜飯燠三鱸良有死未必負經綸

冬至宿下邳用杜韻感懷

書雲今日觀進履舊時橋躍馬成黃壤聞雞隔紫霄令

嚴群吏候情好故人招明發淮陰道渾無百里遙

其二

五雲天闕曉翠羽晃金支劍珮從龍馭衣冠集鳳池履  
長天下慶紀瑞史官知憶昨趨陪處朝衣帶雪披

其三

柳看寒驛樹梅憶故園花歸意隨陽鳥流光赴壑蛇幾  
人重慶在千里寸心賒了邵公家事明年定到家

其四

吾弟三騏驥青雲道未開書漂高鳳麥賦作廣平梅秋  
日江南別朔風淮上來紫荊移對面小酌坐蒼苔

其五



性儉惟粗糲家貧乏布帛日長添一線衣破失重綿但  
覓驚人句寧論使鬼錢蓬蒿舊環堵回首是潞川

其六

少陵憶宗武江夏說黃香橋梓青山隔芝蘭白露涼此  
生忘得喪吾道任行藏及早傳經術休教兩鬢蒼

其七

對酒強為飲其如不寐何道隨陽共長憂與樂兼多漢  
室稱三輔堯年聽九歌昇平荷今日蹭蹬昔經過

其八

仲也九齡歿孤魂空白雲喪明哀子夏傳服負宗文天  
地一陽復幽明兩路分燈前思舊語清淚落紛紛

公餘四咏東蘇主事致中時替賦通州

監翰國課

民足君常足徭輕賦亦輕主司懲掎剋出納務公明  
地千夫集連雲萬廩盈吾徒皆祿食何以答 昇平

觀察民風

問俗近如何流亡復業多向時聞野哭今日聽農歌負  
戴或斑白豪奢仍綺羅州官書上考當不在催科

循城晚眺

不必憑高去相携聊出城嵐生山寺暝潦盡野潭清步  
卒身猶倦歸禽翼自輕思家兼戀 闕對此不勝情  
聽鼓晨興

已破還家夢仍聞鼓翼雞星隨河漢淡月傍樹枝低怯  
鏡清容瘦貧梳短髮齊出門騎馬去前路任東西  
八咏為塞伯度作

白雲洞

小有不可至此中尋洞天白雲不作雨藍玉自生烟土  
潤知龍蟄苔香識麝眠巢松無太白漫叟此盤旋

碧玉泉

一道不何處初疑海脉通寒流清飲庶翠壁白垂虹地  
籟琴<sub>下</sub>適合天光鏡裡空餘酣向晚漱爽氣溢胸中

蒼松逕

一逕非三逕驪龍是螭龍只教陶令撫不受始皇封野

崔長為伴寒天不改容石苔漫金粉尖卻舊行踪

叢桂岩

岩栖少隣並彷彿小山幽老桂千年植飛花八月秋蟾  
宮曾獨步驚嶺亦同遊今者仍招隱刻詩岩上頭

奕棊塢

借取棊花塢手談惟兩人樵夫見開局橘叟卜為隣但  
得消白日何須賭玉塵從容不爭道誰似此閒身

撫琴臺

琢石平如砥正堪橫嶧桐山中挂蘿月石上起松風舉  
世知音少何人適趣同寄言道旁子莫認作臨邛

仙掌峯

家住華山頂下來觀此峯酒傾金鑿落人對玉芙蓉可  
歷一千仞休登十二重水甌罷滌筆此處露華濃

獅子嶺

獨踞姑蘇道如何兩處分鹿頭羞踐跡牛首怯同群山  
氣憑朝霧留光藉夕曛蕭然林壑靜無處着山君

題陳畊讀卷字德輝

有客西高下力田還讀書東風春野綠朔雪夜窓虛芳  
草眠黃犢香芸走白魚倪寬舊知己相伴帶經鋤

蔚軒

蔚也何其茂中心愧匪莪曾無一日養徒爾百年過落  
木風聲急空庭月色多軒前有流水不抵淚懸河

勸學示吳尚朴次子綾

之子非凡子而能服義方參乎常避席由也得升堂黃  
甲誰相繼白眉渠寂良吾今雖不敏勸學意何長

寄錢原博廉使

雪山一千仞不及憲臺高學富魁黃甲詩成奪錦袍平  
反付公等出納在吾曹萬里將書去春風白雁毛

寄沈希仁經衛

部署分司久轅門入幙深看花少年事對月異鄉心座  
有賢人酒囊無李子金雪山寂高處何日共登臨

樗隱

樗也與溝斷其如失性何不材免斤斧無恙老山阿隱

者同盤礴于焉樂歎歌請看先伐木那得此婆娑

竹居

結屋在何許箕箒谷寂深時能展黃卷亦復鼓瑤琴  
下蒼龍化簷端彩鳳吟吾將來問字憑仗洗煩襟  
富山十景為方御史作

綠倚書室

昔人讀書處今代尚流風持節有君子作詩如武公牙  
籤光掩映玉珮響玲瓏多少丹山鳳來巢晚翠中

赤嶺龍湫

初日射高嶺赤霞何粲然清泉如鑑照靈物抱珠眠  
霹靂平地蜿蜒飛上天維時作霖雨無處不豐年

屏山擁翠

方山真偉觀列嶂自天開暖翠如黛染空青排闥未  
虛避磅礴商雉失崔嵬柱笏時相對新詩取次裁

秦石迴瀾

砥柱屹然立中流鼎沸間誰為補天手此是落星灣  
東海驅不去南山相對閒狂瀾賴汝障一碧瀉潺湲

上貴祠堂

聞說靜樂院高風自太初息焉歲此地過者式其閭  
祠廟經營後黠繁采擷餘相仍五百歲景仰意何如

無愁古渡

方舟可以濟此渡信無愁杜若洲相近桃花水亂流  
魚

龍時變化鷗鷺任浮游有客先登岸浩歌東海頭

三峯霽色

南閭鍾秀氣一處列三峯樹色齊高下嵐光各淡濃越  
裳來翡翠衛岳送芙蓉我欲登絕頂颺言叩火重

雙井寒泉

前井復後井家南家北邊發源後窟處鑿地自何年素  
綆晨光冷銀床夜氣鮮至人觀化日一酌識真泉

玉筍竒觀

接地如錐立神功巧琢成絲毫拂天勢玉筍徇時名月  
傍孤標過雲從半節生富山山幾許誰及此崢嶸

蔗岡仙跡

此地傳千古遺踪亦恠其道人觀化去馴虎守尸巢石  
磴千層上雲屏八面開雲泉在岡下有禱即風雷

排城八景為審方伯題

宰木敷榮

宰樹何年種先公讀禮時真成虎豹質漸老鳳皇節  
傲風霜凜恩承雨露滋永言無剪伐神力况扶持

文峯拱秀

二氣鍾靈處三峯並屹然畫屏開綠野文筆寫青華  
表參差見丹梯上下連佳城增壯觀鬱鬱幾千年

雲山疊翠

峭壁太古色閒雲常暖然一重復一掩非霧亦非烟絕

頂擎仙掌平坡帶草苗掃松歸路近疑睇夕陽天

雷澤流清

不是舜漁處若為同此名狀流地底遠濺沫石邊清未  
必難容芥還應可濯纓于茲采蘋藻昭薦一摠誠

方池秋月

誰憑神斧力鑿得一方塘倒浸碧天影靜涵明月光  
閒  
鳧戩錦翼老兔濯玄霜神女弄珠罷含情秋夜長

霍嶺晴嵐

峻極白霍嶺歸來丁令威草香春冉冉嵐氣晝霏霏  
仙  
局爛白石僧房開翠微來青每排闥何必掩松扉

福巖洞天

小有未足數茲巖別有天歸雲似流水滴乳作飛仙樹

老青牛化花深白鹿眠舊游知未久履蹟尚依然

水仙勝蹟

馮夷渺何許仙觀有遺踪匝地皆瑤草凌空半碧松淡  
波思小步微月見清容安得將雙佩仍來此處逢

草堂八景為華祖芳作

錫山秀色

曾聞錫山好又向錫山過天設一屏障雲連兩髻螺高  
各誰不重秀氣此應多有客考槃樂長年隱薜蘿

金匱靈光

玉書在金匱山與道俱尊勝槩夫何限靈光此獨存持

時瞻紫氣炯炯向黃昏石室南山下  
端堪與共論

孝祠烟樹

喬木千年在前朝孝子祠  
栽培應有素造化本無私  
漠漠烟光合曠曠曙色遲  
詩篇與圖畫俱繫後人思

古洞寒泉

別卻匡廬隱來尋第二泉  
雷穿山窟石聲徹洞中天  
僧錫空飛去茶經不浪傳  
渴心塵萬斛吾欲借涓涓

西高曉雪

向曉卷簾處西山雪已深  
仙人石何在樵客路難尋  
不夜梨花夢因風柳絮吟  
豈無雙螭展未易一登臨

東嶠春雲

東嶠鐘靈地春來雲氣濃  
浮嵐晴掩暎深松碧蕊龍野  
逕迷朝騎山城隔暮鐘  
六龍在天上五色去相從

蓉湖野舫

北郭出門去蓮蓉湖水清  
無邊野外趣不斷棹歌聲  
何處更垂釣此中堪濯纓  
相期看花伴乘月暢吾情

菘里草堂

草堂在菘里彷彿百花庄  
楊柳當門綠蒲荷出水長  
春濃駐遊騎夜靜聽鳴榔  
未暇來看劍題詩遠寄將

官居八詠時寓武昌金沙洲

將臺春樹

老將今何在空臺自屹然  
良材皆得地高榦已參天  
密

密圍重幄輕輕落細錢公餘憇清蔭時誦角弓篇

洪山曉鐘

孤枕發深省鐘聲出寺來織鳥光欲動胡蝶夢初回杳杳穿雲外踈踈度磴隈老禪應出定花雨滿經臺

賽湖漁火

湖上捕魚者漁燈滅又明不妨沙月暗偏喜渚風輕丹鳥光相襍文鴛夢屢驚泰平生計好點點到深更

鄂渚蓮歌

蓮子結將老采蓮人正多如何居楚地卻解唱吳歌別調非白苧餘音豈踏莎晚來聽未歇香露濕雲羅

東 霍山月笛

仙客將玉瑋夜吹黃雀山但看月升起不見雀飛還折柳大堤上落梅深院間欲教傳曲譜那得此身閒

金沙夕照

沙市人初散夕陽光欲殘數帆歸別浦一雁落平灘遠遠孤烟暝蕭蕭落木寒須臾是玄夜有客熱漫漫

八分南望

此境十分好此山名八分尋常橫綠野一半入青雲拄笏雨初霽鈎簾日欲曛北山不同處誰復有移文

漢江東注

大別山之下滔滔日夜流朝宗向滄海登覽及清秋不識有源處可能無盡頭平成賴神禹萬古思悠悠



東園四詠為吳以成題

芸窓展卷

端居絕塵事白日草堂深願足三冬用潛求萬古心芸  
香拂烏几草色映青衿護得牙籤好年年蠹不侵

竹屋鳴琴

種竹幾寒暑彈琴忘古今雲中黃鶴別月下彩鸞吟蔣  
詡屬吾輩鍾期同此心何因聽高調頃爾淨煩襟

松軒煮茗

寂寂青松下閒來自煮茶拾薪秋雨歇懸綆夕陽斜頭  
上盧仝帽山中陸羽家清風生兩腋蓬島路非賒

山池館投壺

小構園池上投壺白日長舍人來正好野客醉何妨地  
激清風響天流紫電光雅歌吾亦和勝負兩相忘

坐前題呂宜中步青雲卷

青雲在只尺誰說上天難獨對三千策真成九萬搏高  
歌輕下里平步入長安東海六鰲盡憶曾持釣竿

蕭蕭喜雨

皇天育萬物時雨慰三農野與催畊鳥淵飛放鰲龍孤  
村雲漠漠四澤水溶溶父老多相慶豐年喜再逢

東甌道中

樹色迷金刹霞光帶赤城日輪離海近雲錦映波明似  
見鴻濛判如食沆瀣清海風忽吹散萬里越天晴

題畫

混混溪流急陰陰木葉敷若非揚子宅定是輞川圖  
色千峯合炎光六月無綿蠻者黃鳥止此即立隅

所寓

此地真樂地何鄉是故鄉  
牆陰薜荔色石罅茯苓香  
不識新豐市那聞古戰場  
曹騰一枕睡白日到羲皇

姚公綬席上用杜韻二首

吏散白日暮相過不待邀  
林花香未滿谷鳥語還嬌  
宴坐傾銀甕酣歌和赤霄  
情知巷南北誰謂馬蹄遥  
三月將廷試隣盃且謾邀  
科場穿葉妙字體插花嬌  
兩鳳來丹穴孤鵬奮紫霄  
救時唐宰相華胄不遥遥

陳文顯瑞蓮詩

物瑞應人瑞有年大有年  
豈無連理對先見並頭蓮  
解珮漢臯女合簪姑射仙  
采詩因紀瑞將獻九重天

題陳公佐秋官所藏林泉高士圖

賢哉小司寇富貴等浮雲  
高士時相遇新題或見分  
松林響虛籟蕙暖散清芬  
信是逃名處喧譁杳不聞

呂惟約號虛室

吾心如一室所貴在虛明  
不使凡塵染惟看一白生  
滿庭栽玉斝信手折瓊英  
擾人人間世誰能識道情

水雲深處為鷗侶龍羨和題

溪山隱君子彷彿在船居  
流水入花逕白雲休草廬  
寒

聲清枕簟爽色護琴書喚起玄真子相看一嘯餘  
題龔美和龍山壽藏

買得山中宅預為身後謀未應成土苴聊復任風流醉  
藉白雲卧閑携玄鶴遊首丘百年了何必覓丹丘  
思怙為單仲璧題

失怙常思怙終天抱恨多可能心似石徒有淚成河菱  
草留餘苗靈椿墮舊柯願君須紹述事業莫蹉跎

慈節為倪相承賦

孟母三遷地共姜不二天無波生古井有玉出藍田冷  
落青閨月康疆白髮年古詩有三百獨愛柏舟篇

五言排律

安林姚公綬同郊行四十韻

今日兩日霖昨朝風且霾班荆付公等看松及吾儕足  
健何憂躡身輕不病疾空青遙隱隱漲綠近潛階陟嶺  
勞將履逾河喜得渾淡烟迷草運清露滴槐街玄塚如  
新塚蕭齋即舊齋手塲曾築室入戶必升階禹聖生為  
寄劉醒死便埋失聲念端木泣血仰高柴馬鬣憑高隴  
龜破倚斷崖栽培仙觀檜封殖孔林楷甫也賓客老元  
之子弟佳車知呂氏駕舟識米家牌私幸絕營妓盤游  
虛館娃程書免衡較後事罷輪差知已來何有忘形樂  
孔皆接羅伴烏帽飛馬引青鞋以坐拈花葉徐行避草

羨躍淵魚鱗鱗出谷鳥喈喈解珮迎仙子吹笙和女媧  
行厨石敲火倒甕酒如淮蒲筍供韓歛茵陳共庾鮭盤  
羞多野兔醜醜足江麋珠卻三千履金輕十二釵指塵  
嚴號令咲語襍詼諧有士佩鞶璫無兵服韞韞驚弦落  
飛鳥擊鼓亂鳴蛙款款延脩景諄諄慰老懷在陳歎狂  
簡放鄭厭淫哇出語能驚鬼為文豈類俳內唯求道德  
外豈索形骸學必日以就行頃特與借在車逢涸鮒粘  
壁見枯蝸懶作乘軒雀甘為伏櫪驕鵬圖終是徒龍卧  
豈非乖紅袖塵難拂烏皮垢必措餘波雖浩蕩末路任  
安排肯搏負嶠虎惟驅當道豺誕先登彼岸宦海渺無  
涯

壽弓都關宗器

大野橫雲嘯寒江漫雪濤維南一星見直北五雲高壽  
域開清世賓進集俊髦將壇今衛霍詩社古劉曹此客  
摩銅狄何人奪錦袍才輕萬人敵氣歷五陵豪人壽由  
天壽文韜及武韜殊勲端可策直節信能操射落青天  
鷲釣連碧海鰲玉枝那得汗寶劍解吹毛一棹營中柳  
三偷池上桃翠盤釘尊菜銀甕瀉松醪古調吹龍管新  
聲撥鳳槽逢逢聞擊鼓子子見千旄公暇時看劍軍間  
盡屬橐籥應當  
帝簡豈敢謂賢勞欲致千齡祝聊憑一字褒明朝又言  
別余馬步蘭皋

挽錢惟義

錫峯今大族誰似閔畊翁食力心何歎埋光德自豐讀  
書敦素節奉 詔竭丹衷沐浴恩波裡徜徉壽域中誠  
哉仁者靜展也介而通燭物眸如電談天氣吐虹有軒  
乘野雀無弋射冥鴻自搨來禽帖時開放鷓籠百年猶  
轉轂兩鬢任飛蓬倏爾云觀化于焉得令終琴止秋館  
靜木落暮江空雲冷登山履溪虛載雪篷茶經遺陸羽  
菊譜憶劉濛夜旦幽明異青寧幻化同題銘頌太史孰  
緋致名公宿草荒烟外懷賢思莫窮

大贈別卞式之選之

四海皆兄弟吾宗當若何源源非異派葉葉本同柯世

譜今堪續家聲舊不磨荆山嗟泣玉

魏關黍鳴珂爾

筆眉俱白予生髮已皓十年如一夢千里忽相遇客裡  
連枝會樽前常杯歌六龍寧偃蹇三鳳未蹉跎萍水行  
踪濶萱堂悵望多西飛驚白日東逝感滄波去云將行  
李匆匆唱踏莎紅亭臨客路畫舫發官河翠失城邊柳  
紅殘水上荷平安煩慰藉感慨托吟我故國依桑梓閒  
門掩薜蘿幾時尋舊約風雨說東坡

趙逸軒

君子所無逸斯人胡弗然有生惟守拙無事只安眠作  
德不作偽自愚寧自賢他心徒戚戚吾腹且便便虛室  
或生白空亭誰草玄平生幾蟻屨長物一青瑣寄跡寬

閒外凝神太古前景純花鳩曉集父竹溪烟袖手觀棊  
局投竿卧釣船兀焉忘酒數偶爾得詩聯坐久真成懶  
行遲更覺仙仁居乃安宅經訓即良田隱者今種放遺  
民昔少連桃笙當暑月梅曆又新年堅瓠何須竅焦桐  
虛用絃秋雲辭出岫野雀謝冲天老驥惟伏櫪潛魚豈  
躍淵深藏匣內劍漫計簾中錢樗散應同調英翹莫比  
肩蹇子將學逸何日過琴川

秉德堂為徐庶子時用乃翁賦

偉矣無雙士貞哉秉一心九重承寵渥十世嗣徽音  
揭扁當華第搗詞出翰林克明遵帝典自警佩官箴神  
也洋洋格天乎翼翼臨常時防堯裂在虞惕淵深兀兀

如山立庸庸歎陸沉留賓曾左席聞善必虛襟願學知  
言孟惟師養志參抑詩勞三復陶魔惜分陰木榻窮朝  
暮蒲編博古今給來官廩粟散去客囊金吾道崇儒碩  
其人信國琛慶延身愈貴名重衆皆欽樂地春如錦流  
年雪滿簪予生何以頌聊爾托微吟

山水為葛天音賦

此地知何處依稀是秣陵山家應久往水閣自聞登嵐  
氣經晨合烟光薄暮凝平林如隱約高岫若驕矜布置  
神工巧雕鐫意匠能流泉清可掬斷岸陡難升鍊鎖垂  
千仞瑤臺出九層偃松全露蓋側石半藏稜世道分夷  
險吾心謝愛憎庭空惟立雀寺遠不逢僧漫爾成歌嘯

悠然任寢興老夫幽興在何日試行滕

臨清堂為吳慶明賦

天一生乎水惟時子在川滔滔未分派混混是原泉禹  
澤能通海公渠可溉田樂斯惟知者酌彼自泠然鑿沼  
僅半畝臨流只數椽朱闌凭滉瀆碧瓦蔭漪漣素練明  
窗外瑤琴響檻前天光涵躍鯉雲影帶飛鳶竟日看垂  
釣移時聽扣舷行波霑兔穎餘潤膩魚牋淇澳武公竹  
濂溪茂林蓮承恩殊浩浩報德乏涓涓賦就陶元亮  
詩成謝惠連圖新頌一沐悔過必三浦不竭如銀浦常  
清若紫淵照心別邪正鑿貌異媿妍杜子浣花宅莊生  
秋水篇神交千載上誰復似君賢

靜趣為張進士秉乃翁賦

伊人習靜者其趣果何如虛白室中坐草玄亭上書衆  
趨方碌碌獨卧自徐徐林晚花自落庭春草不除竹邊  
多睡窟萍廬火潛魚寄跡同方外遊心在古知六經亦  
糟粕一宿乃遺廬兀坐焚香後忘言隱几餘水流應復  
止雲卷未容舒明日欲相訪休教回我車

葵軒為華循學賦

斯人今世產孝子舊家聲神架三千卷開軒四五楹愛  
葵嘗手植刈草若躬畊接葉翻皆動交葩照眼明生生  
因地利耿耿向陽傾特護恒留意相看每適情堂萱宜  
並育野艾莫爭榮露氣涵朝爽霞光映晚晴此根誰敢

拔他種自堪烹麝及琴書潤香生簾幕清其黃惟淡泊  
彼白更幽貞我亦陪幽賞新詩走筆成

畫冊為劉方伯賦

絕妙丹青手回旋造化功郊寒方浼先谷暖復冲融九  
土輿圖裏三山只尺中雀飛萬里遠人去五湖空野寺  
岳麓遠星槎天漢通葦航一衲子橋奕兩仙翁印石誇  
張牧門羅念翟公誰曾探虎穴彼亦叩龍宮社鼠熏無  
及林猿技未窮鷺葳荷葉碧鶯歌荔枝紅雞必處宗語  
戴須逸少籠白頭栖綠竹翠羽立疎桐鳧沼蘋花雨鴉  
原蘆葉風華山歸戰馬中澤集賓鴻黃鶴摩雲外蒼鷹  
度海東堯庭產靈草楚畹茁芳叢貫酒裘再整尋詩句

益工亂瓊飛雪檜碎錦剪霜楓老我成散木浮生類轉  
蓬殿勤大方伯觀畫一尊同

勸學為趙世南世東題

此日不再得何人肯用心若能窮萬卷須要惜分陰  
鵠詞林富海涵學海深友從蘭室會師向杏壇尋每日  
存三皆當時服四箴吾衰將白首爾少尚青衿惟善為  
家寶其賢乃國琛正速由坦坦聖域入駸駸早曠孫康  
雪終為傳說霖勿云愛莫助勸學致微吟

大雪溪為盛時正作

盛國留華胄中朝秉大圭奇材誇撼出雅志愜幽栖  
吏猶仙吏梁溪即剡溪同雲朝黯黯急吹夜淒淒別浦



通銀漢前途起白霓紫飄方鵬柳花發未春梨漫漫平  
陵谷皚皚沒叮咛冥蒙天上下合沓水東西問字人相  
失回船路欲迷帝光堪起草蓬影訝燃藜襟霞時煎茗  
兼水自搏壑郢中歌舊曲灞上覓新題白戰驚衝突清  
談謝滑稽寒多醒夢雀曙早誤鳴雞處處瑤花滿林林  
玉樹齊有松皆蓋溼無竹不枝低戶塞賢人巷沙明宰  
相堤光微生火燧價重辟寒犀斷雁和霜落清嶺帶月  
啼素心知淅淪綿力荷提携編作青鸞翼銀為赤馬蹄  
豐年為君慶一醉爛如泥

山水為陳汝信賦

山靈吾夙好初不假先容沆瀣清如洗蜿蜒秀所鍾流

泉經百折疊巘出千重坐石掃蒼蘚巢雲攀碧松寶林  
聞梵呪玉洞覓仙踪巴橋時常摘胡麻日旋供石梁非  
略約山郭是芙蓉載道將行李緣溪發去船接輿歌楚  
鳳諸葛卧入龍躡齋侵晨至携琴薄暮從岩栖惟易簡  
野性任疎慵飛磴分高下浮嵐半淡濃興豪教舞劍身  
健免支筇憑仗丹青手壺中奪九峯

後蔣朝會母夏氏

嗟彼北堂草霜風不可禁鳳梭聲寂寂鸞鏡影沉沉積  
善傳家寶周貧散橐金母儀存龍製女誠即心箴澗藻  
空春色播桑自夕陰衿袞雙雀帟含笑九泉深大夢忘  
夜旦幽光照古今寧馨子莫逆楚些為長吟

咏雪用吳原博韻

朔吹捲雪片利如刀劍稜襟衣猶可耐  
砭骨卻難勝火井潛銷燄湯泉遽絕蒸  
于時當否塞何處不嚴凝脉脉兼飛霰  
蕭蕭助結冰玉山逾璀璨銀海極泓澄  
但使車輪陷寧容馬足騰波應混涇渭  
路莫辨齊騰獵得皆霜兔呼來捲白鷹  
繞疎猶密密欲斷復繩繩王子尋安道  
蘇卿別李陵破瓊寒亦齒小艇夜還乘  
夢許梨花比吟將柳絮稱豐年端有屯俗  
語豈無憑陶穀遺風在梁園舊事仍雪  
堂成久謫月觀得閒登佳什勞相寄休  
祥信足徵浩歌頻擊節劇飲輒盈升若我  
清羸疾多君白戰能報章何日達離思與  
川增

趙惟明成趣園

澄江百里內信美屬名園日涉真成趣  
歲杪可避喧決渠通小沼相地構層軒  
襟斷非華棟週遭是短垣人間三竹運  
世外兩桃源白鹿寧無洞青城別有村  
奉誠那足問獨樂園堪論已近辛夷塢  
仍連折柳樊花深迷蝶夢樹密隔禽言  
秋水芙蓉照晴堦芍藥翻朝烟漾竹色  
夕露濕苔痕松葉香堪釀藤枝細可援  
傾筐饒杞菊細佩足蘭蓀傍井桐生子  
盈畦芥長孫采餘南澗蕪樹得北堂萱  
桂以招隱士芹將獻

至尊芟荷裁野服芋栗具山餐木枕和雲  
卧茶甌帶月吞少陵吟水檻太白倒山尊  
恠說郎君馬膺迎太守轄

履迹行處軟釣石坐來溫解舞青田雀能談石室猿幻  
形龍挂壁絕跡虎夔藩折簡招聲叟揮毫答醉髡辟疆  
宜接席慧斐勿回轅卷幔延涼吹開窓候曉瞰養高光  
自葆用拙道斯存宅也亡何里隣哉通德門田翁說豐  
歉社友叙寒暄烏帽時時岸蒼髯在在掀冥搜窮勝事  
遺佚荷深恩彼競錐刀利吾忘簿領繁尋常甘雉伏  
九萬謝鵬騫箴鄙傾身障馱嫵聒耳煩托交三十載徑  
造幾多番義重鈿金管情逾下榻蕃周旋惟中禮左右  
亦逢原玉蘊本能潤膠投水不渾良材若作梓嘉穀寔  
維糜廩父今耆舊而家昔狀元周裡陳簠簋魯寶蓄與  
璠奕葉綿宗族連枝藹弟昆從容御琴瑟和樂奏篋填

允矣通而介于焉薄以敷儒冠崇掖甫武弁息橐鞬此  
膝何曾屈其心只自捫達人焉屑屑賢者豈昏昏春草  
成詩句寒梅入夢魂匆匆驚節序納納任乾坤特地緘  
題寄休云示孟崙

用杜工部呈縣內諸官三十韻贈朱季循

彼美生人傑後來毓地靈劉安授鴻寶逸少寫黃庭伐  
鬼持三尺飛符役五丁嘯歌涼月地徙倚暮雲屏禱雨  
神功速乘風浩氣冷端居虛室白侍立小童青漢柱承  
仙露巖灘隱客星蒼龍蟠後鉢駘馬滴殘瓶煮石雙鮑  
靚揮金兩管寧交游皆有道爾汝乃忘形筆錄百花譜  
家傳本草經洞開門不鎖丹熟鼎猶高絕壁高屹屹空

潭湛滌滌寒蓑披雪磴晚棹泊烟汀受記休遭幻談玄  
必入冥鷗波殊浩蕩鷺嶺故岩崑漁唱臨流和樵歌隔  
岸聽聞各將命者識面去留馨斫桂柯嘗執鼓茶曰未  
停揮戈回日馭遊刃發霜刃截竹竿籊籊燃藜杖熒熒  
郊居元有賦座右詎無銘漫爾騎鵬背冷然躡鳳翎懸  
壺當市井曳履向林垌祗解吞雲夢焉能混渭涇求來  
華峯藕剖得楚江萍林杏春葩簇井梧秋葉零千年食  
字蠹五夜讀書螢回雪歌還舞流霞醉復醒幾時登彼  
岸萬里渺滄溟

留別趙都帥良輔

南平老孫子北伐至燕然銳進成功捷鏡歌奏凱旋侯

門深似海王道直如弦獨出風塵表同朝雨露邊尋  
常承顧問凡百慎周旋玉帳青油幕花駉紫錦韉折衝  
惟恐後奔走必爭先細柳亞夫令長城李勣賢魏狄屯  
夜月鵬鸞戾秋天赤手曾搏虎清風不附羶每從金谷  
罰寧忘角弓篇羨爾千金劍慚吾百煉鉛分襟當此日  
會面是何年兩地平安字頻教白雁傳

皆春軒為龍郡守賦

斗室僅容膝無邊生意存緬維仁者愛深究道之原保  
舍宗周易恭寬法魯論黃堂春正煦丹府夜猶暎性分  
備萬物化機從一元剝終陰整虛復始凍梅根泫氣隨  
吹瑄陽光照覆盆維時葉顛木鱗處茁芬蒸大廓恢恢

量祗承蕩蕩 恩餘波沾槁壤甘雨洗荒村斷若春秋  
筆善如仁義言昔持梟勝斧今駕鄭宏輜車俾輕刑措  
都令薄俗敦致  
君及堯舜稽古到羲軒孤檜枝逾茂甘棠樹益蕃桑麻  
被農野桃李在公門足地居何廣心天爵自尊大羹調  
鼎鼎至寶獻瓊璫小子嗟面壁明公幸剖藩果然瞻耿  
耿斯可破昏昏久矣飲冰冷終然負日暄發生同大造  
朝市即丘樊

送龍郡侯考績之京

龍也訥言後敏乎為晉卿武陵傳譜系吉水占科名自  
昔推文雅

當今用老成黃堂兩宣化烏府一蜚聲多稼頻年稔甘  
棠特地榮無論寶鼎重有似玉壺清六事云修舉三登  
曰太平省畔歷農野入奏上 神京社日家家燕春風  
處處鶯江花明五馬岸柳拂雙旌連連遵鴻渚聯翩入  
鳳城卿雲依紫殿仙露下金莖虎拜軒墀集鸞鳴犖道  
行以庸承  
帝眷其京愜輿情自合居台鼎誰容拜水衡冠恂如許  
借竹馬更相迎

挽徐景南

戎邑多遺產何人是達尊爰祥承祖禰餘慶及兒孫太  
守今名郡中書舊禁垣承宣阮超卓錫予亦駢蕃春盎

瓊枝秀秋清玉露繁才華隨日進思緒與雲騫地位居  
仁里天家表義門嘉苗殖賦畝喬木蔚丘園惠及流民  
復風聞薄俗敦允膺仁者壽克究道之原解作劉琨  
如聆衛玠言恂恂敬素梓采采繁蘋繁賭墅圍碁局投  
壺對酒樽甘為驥伏馿耻作雀乘軒起起俄成夢招招  
莫返魂霜風凄素節雲月黯黃昏白馬來千里青鳥至  
九原性馴無觸康穀恣有蒂猿苦塊情何極虞枋禮不  
煩死生同夜旦去住共乾坤季布千金諾王孫一飯恩  
每曾採溝壑奚翅問寒暄滾滾江波逝匆匆歲月奔題  
銘大手筆千古耿元存

挽周尚書恂如號雙崖

雙崖今已矣萬事昔何如龍虎登金榜鴛鴦聚石渠真  
能揮健筆豈但曳長裾夜藝青藜杖晨趨白玉除文章  
如錦繡聲價似璫璣勤纂三長史恭陪六尺輿初官周  
苦士後秩漢尚書位遇將誰匹勲勞不自居旬宣歷吳  
越風望及青徐趙抃惟隨宦公儀每鄉魚萬艘便轉運  
百姓免侵漁處處農無惰家家廩不虛謀猷能致遠禮  
法宜容駮褒誥恩無限生祠澤有餘一朝辭柱石千  
里返田廬講道資三老乞骸許二疎庭柯思舊植徑草  
費新鋤野客催詩債門生致飲儲鷗盟方歎歎蝶夢竟  
遽遽委置蒼龍劍淒涼白麻車九重深悼惜列郡重  
欵歎論祭蒙優典文襄表故閭月乘仙客馭雲執化

人祛逝者有如此悲哉哀感予離離歎禾黍子子望干  
旗杖淚題哀些微表得少摠

倣古藥名題贈宦克昂醫士

之子能飛白歎冬花下逢禹餘糧滿橐甘澗水連筒紫  
麝香堪挹靈犀角自通酒如琥珀色蜜似石膏濃半夏  
節初到天南星又中寄書金陵子念我白頭翁地骨皮  
欲裂天門冬正隆枯桐淚如雨淡竹葉鳴風未暇正經  
界何由得後容離亭歷行邁九百合相從

挽成國公

聖代天純佑公居百辟先忠良知有後勲業信無前  
玉璽封王誥金書太史編霜風吹白日星漢麗青天世

澤承高爵恩波浩大川龍沙消息斷麟閣畫圖傳仰止  
高山上淒其朝露邊慚非大手筆楚些僅成篇

朱郎中廷用惠白硯

美矣端之硯慨然蒙惠將補天遺此塊修月缺其旁山  
骨平分節雲根半截肪命工忙製匣對客咲開囊絕迹  
研朱手先容傳粉郎馳名為上品稟氣屬西方瑩色含  
風露貞姿映雪霜梅邊無間隙雀畔有輝光金線馬能  
重紅絲未必良素書真獨配白戰合相當皎皎半規璧  
錚錚百鍊銅片雲雖易見纖垢卻難藏鵠鶴珠為目蟾  
蜃練作腸馬肝徒什伯鳳味亦尋常楚國虛留寶磻溪  
漫得璜結隣非燕石韞璞寔崑岡宜落陶鎔地惟登翰

墨場錦綵貼瑤玖彤管倚琳琅畢竟不施黛誰云可以  
黃品題同趙卞入貢歷梯航九錫恩宜及千金價莫償  
堅乎磨不磷俾爾壽而昌欲報蒼水珮更兼明月璫塵  
昏頻拂拭瓦裂慎隄防豈但居冰署還須占玉堂坡仙  
如可作高咏為掄揚

姚穀菴別墅四十八韻

曩者司風紀居然播德馨賢哉真出類予也忝忘形可  
奈交游別何由笑語聆匆匆急命駕泛泛遠揚舲迤邐  
尋龍渚微茫度霍汀江花依綠淨野樹入青冥月寺宵  
鐘動雲川晚棹停逕須今日掃門豈往時扃妙思窺天  
巧清才稟地靈成都司馬柱關里伯魚庭肆卜能談易

農鋤亦帶經濛濛烟未散湛湛露初零西嶺新為壑東  
橋近在垆摘蔬蕪笋蕨采藥禱來苓美石攢蒼玉奇峯  
列翠屏蟠桃是仙果瑞草即堯蓂碧巖辛夷塢紅翻芍  
藥廳苔紋虎豹質竹色鳳皇翎蠶曲羅紈膩魚梁網罟  
腥古宮祠右土殘刻篆蚩冷俗儉居茅屋民淳啜土釧  
嚴君遺舊德慈氏享遐齡冠蓋多黃髮閭閻少白丁忠  
君心本赤愛客眼逾青免得懸金印時能倒玉瓶酒頻  
焉敢卻詩好正堪聽題壁賢臣頌書紳考父銘牙籤相  
歷亂寶劍自晶熒科第登魁榜封章奏大廷群鴛憎  
驥藁衆醜忌娉娉舉世聞皆濁何人見獨醒逗留殊眷  
戀黽勉重丁寧直欲同儀矩毋容比說鈴老懷留耿耿



常法事惺以素齋風著無邪魯頌駟救應思并鮒急乃  
感原鷄秉節霜中柏浮生水上萍獨行嗟偏側太瘦覺  
伶僇已假仙人館還開吏隱亭落英粘匝匝飛絮撲簾  
篁福地通三島恩波洽四溟謫仙輕蝶巖晏子鄙焦螟  
舊雨猶今雨文星並法星江湖空蕙蘭臺閣尚思邢岩  
築終調鼎庖丁乍發劔投壺如激電破柱有驚霆量必  
容百輩音非起寸筵一生任窮達萬古重儀刑

安齋為沈時耀題

客有藏脩者其心得所安世人多枉枉吾輩且盤桓桃  
李謝春色松篁耐歲寒乾坤一逆旅日月兩跳丸烏几  
閒邊隱丹書靜裡看恩波今浩蕩客路肯艱難兄弟墳

篋合庭幃蒜水懽上書羞賈誼彈鋏笑馮驩有迕惟栽  
竹無皆不藝蘭移舟傍黃漬着展上銅官花釀千房蜜  
蘼留百甕酸幽居宜管榻陋巷樂顏單鴻寶金休鑄藍  
田玉可食清風方穆穆長夜豈漫漫懶作騷如屈耽為  
賦若潘懷哉梁甫葛仰止泰山韓豪士異流俗達人同  
大觀題詩寄齋壁珎重永無刊

陳汝信號慎脩

元龍湖海士雅志在林泉講肄餘千卷敷蓄僅一屨平  
生惟素履舊物是青氈燕翼思貽後持身恐辱先冰兢  
恒若涉夕惕每忘眠端酒違時好迷花斷俗緣陋哉鴻  
寶術美矣白圭篇達者良珎重庸夫但瓦全莊生知止

止老氏尚玄玄豈羨爵九錫休誇食萬錢英雄看劍外  
忠信倚衡前鳥跡求心畫義經領意筌丁丁歌伐木秩  
秩宴初筵負郭多村墅依山足墓田追思殊懇切汩掃  
每勤憐孝子必愛日逸民斯引年  
堯仁天蕩蕩皇極道平平進退有餘地行藏不愧天芝  
蘭方藹藹瓜瓞亦綿綿少効清風誦應煩巨石鐫

筠齋為耿希益賦

小隱遠塵俗高齋傍萊猗冰霜能傲兀風月任棲遲爽  
氣侵茶臼清陰覆墨池簪管文守谷淇澳武公詩自擬  
千金價誰論三逕資此君足珎重何物更瓌竒授斧間  
特洗揮鋤醉日移連筒頻灌水插棘每編籬翡翠交新

葉琅玕挺舊枝衆誇妖冶態獨愛歲寒姿靜愜溪邊釣  
深便石上蒸紫苞香細細青槩影離離作簡書堪稱為  
冠籜所宜七賢同氣味二仲共襟期綵鳳來丹穴蒼龍  
化葛陂逃虛無一事坐弄玉參差

挽朱東溪

我游蘇臺晚不見東溪翁繼美人如玉能文氣若虹冲  
融君子澤跌宕古人風藝苑家聲舊名場履迹空鷗波  
沒浩蕩雀馭入鴻濛風木蒼茫外烟花慘淡中浮生知  
有限大化信無窮十里長洲苑誰能載酒同

華守瑩號蘊菴

有客棲遲處周旋斗室寬巢雲同李白卧雪學袁安大

易占嘉遁風詩詠考槃文章須霧隱頭角尚泥蟠良賈  
深藏易幽蘭自獻難先容懶投刺待薦耻彈冠璞玉寧  
容鑿淵珠宵落盤流泉聞裏聽列岫靜中看桃李惟春  
媚松篁自歲寒功名吾已矣相許老江干

華楚筵慕松

樹也嚴君植哀哉孝子思所鍾神秀氣聿挺歲寒姿落  
落多節在悠悠千載期風霜經老幹雨露及新枝化去  
青牛遠歸來白雀遲玄雲愁思結碧鮮泪痕滋色冷墳  
前刻陰間石上碁秦封何足道丁夢亦徒為自有龍吟  
處曾無鹿觸時悵悵終可藉剪伐永須辭嘉樹堪同傳  
甘棠共賦詩儀刑如陟降身世柰睽離勁氣知難挫貞

心矢弗衰流肪能濟世况復有苓絲

楊叔琬號行素

行素齋中客渾無出位思間雲常漠漠流水自遲遲躁  
進非吾願安居是所師鄰翁頻送酒野寺謾題詩種竹  
休論詠看花要及時百年元有限一樂復何為巢父牽  
黃犢園公唱紫芝筆峯峯下路他日覓幽期

老閒堂為前人題

佚老莊生語君今獨得之一心清似水兩鬢亂如絲好  
景年年在幽居事事宜對山吟拄笏掃石坐觀碁晞髮  
迎朝旭披襟納晚颺尋朋乘下澤命僕餉東菑詒厥從  
先祖承哉付令兒息機無外慕知命復何疑楚畹同食

菊商頌共采芝若為奔競者白首尚天涯

蘭堂下郎中詩集卷之三

門生錫山吳緝編刊

七言律詩

寄原憲副同年

春明門外行旌遠太白山前駐節高草木一陽回暖律  
雲霄萬里見秋毫螭頭獨立簪白筆豸角爭看著繡袍  
同是曲江春宴客天涯相憶不勝勞

送奚元啟還姑蘓

同榜將餘二十年平生心事只依然荆山泣者卞和氏  
蜀道難於李謫仙應制新詩終奪錦當爐美酒不論錢  
姑蘓道上春風動為我先吹北上船

局促我如轅下駒  
遨遊君似海中魚  
大才自古難為用  
清世子今漫卜居  
分袂正當九月末  
抵家應值一陽初  
園間城裡逢知己  
只報平安不報書

十尺珊瑚海底閒  
有時光彩照人間  
折將楊柳送君去  
倚向梧桐待鳳還  
洗硯又分鯨海水  
看花重醉虎丘山  
錦囊風月三千首  
滴露研硃取次刪

南亭

南園五畷結茆茨  
生意欣欣物自私  
萱草易萌穿土甲  
梅花先發向陽枝  
畫占大易離明卦  
琴奏重華解愠詩  
不學解嘲真懶惰  
客來問字且遲遲

生日

八穀余生豈偶然  
况逢瑞雪報豐年  
奔馳永別橫門道  
生計全憑負郭田  
一飯可能忘

聖主半毫無以答  
皇天瓦盆不是黃  
封酒樂得雙親共  
一筵

有感書授戴季初

九十春光一半過  
連朝雪霰奪陽和  
祇應南畝憂無麥  
可得東風唱踏莎  
守令催科聊復爾  
公私燮理近如何  
題詩欲寄南隣叟  
鐵硯生冰曉自呵

贈魯府尹

幾年獻納侍  
鑿坡作尹南畿政  
不苛絕科交情惟我  
厚宣公奏議更誰多  
雍州長史驚山判  
下里巴人和郢

歌河潤不須論九里大江東去惹恩波

送錢學士子還泚

飄飄文采冠時賢經術無論五世傳行李東來三百里  
大椿上祝八千年飽諳江左青箱事會獻雲間寶劍篇  
便欲相從歸去好江南春水白鷗天

次韻過時霽壽歲

卜宅青山有夙緣種松間卻種花田雖然畏老今人老  
未得長眠且暫眠半醉半醒遊幾日一絃一柱思華年  
平生不落牛山泪擊節豪吟小洞天  
心未如灰首未蓬便尋丘首寄行踪梁溪舊宅居黃葉  
漢室功臣伴赤松華表柱頭無一雀延平津上有雙龍

司空招讌無百里免得莊生辦宿春

之炭

烏銀未必黃金價欲禦春寒却已無著地且須燃楮  
湍堂空自擁氍毹銅瓶罷煮休饒舌彩筆停吟畏撚鬚  
回念玉門關外戍飲冰殮雪不吾如

初度自壽

吾儂行年五十五雀髮庭闈七十三一世窮通皆定分  
幾人忠孝不懷慙蘓秦自嘆無二項陶靖何勞責五男  
骨肉團團且強健新旂又插舊朝簪

得子邦會

吾衰無以報

朝廷亦學玉川添一丁此日悲歡聊爾爾他年得喪付  
冥冥天寒聯影飛鴻雁原晚同聲下鶴鴒一脉涓涓能  
不絕傳衣何敢望傳經

送荊郡趙太守璉 前監察

清時大郡任才賢昔代龔黃可比肩江漢朝宗當此地  
陰陽燹理在他年黃堂春煦有千里烏府霜寒無二天  
我亦武昌樊口客欲隨琴雀上春船

次韻陳允德贈扇

素扇題詩醉墨香舊街猶記是清郎不愁酷吏如大暑  
已覺封姨送早涼玉塵柄邊添雅況白蓮花下借餘光  
奉揚溪媿東陽守聊爾殷勤致報章

善談周易喜焚香清瘦惟應是沈郎誰數千金如北阮  
肯將斗酒博西涼華星粲月詩無價秋水生寒劍有光  
十載傾心書畫舫昨朝纔識米元章

送定西侯部曲之甘肅

弯弓已掛扶桑上西極崑崙入馬蹄黃鶴直從萬里去  
鷓鴣惟在一枝棲手中往往提工市眼底紛紛舞白頭  
爭識轅門有奇士橫天萬丈氣如霓

水車

雷車不動水車動一日千迴萬轉聲挈水若抽珠快意  
翻漿成汗太勞生良苗不槁五六月大旱其蘓十一征  
寄語為畦漢陰老區區抱甕竟何成

漚麻

不復中庭慶拜麻漚麻聊爾作生涯  
公業尚有三盆手主績元非百姓家  
前輩緇冠後儉素後生紈袴事奢華  
東風池水無人奪昔日老拳空自誇

挿秧自述

穀日蠶時次第忙司農歸老課耕業  
行官耗稻黃雲熟待婢綠絲白雪香  
同井可供周萬億寸絲難補舜衣裳  
甫田上與天田直下土茫茫一禹方

挽趙民望

老去交游半死生鼎魁坊裡一吞聲  
落花寂寂人何在伐木丁丁鳥自鳴  
白日一朝成大夜青山千古閱佳城

題銘不盡平生事付與風流月旦評

風雨

一介孤舟出佛塔六鷁退飛過京都  
千家萬家毀牆壁三江九江飛舳舻  
月之後星古曾有石以補天今却無  
蛟龍移窟在平地水退失所將安圖

壽柳節推母夫人

去歲題詩慶八十今年千里一登堂  
何人嚮福如賢母我部提刑有令郎  
日出扶桑東海近風吹萱草北堂涼  
待看熟編蟠桃後纔點青鸞鏡裡霜

次韻春劉振之

水滿清江花滿蹊風光絕勝澆花溪  
珊瑚樹底沉魚餌



翡翠巢邊落燕泥，舊榻祇綠高士下。新詩多為故人題，  
青銅三百沽春酒。一曲高歌白日西。

次韻答揚州張進士銳乃翁

不逐飄飄海上萍，于今寄跡狎鷗亭。一犁雨過土脉動，  
三丈日高詩夢醒。酒釀葡萄如漢水，花開芍藥賽都廳。  
渡江曾訪隱君子，款乃漁歌倚醉聽。

華亭錢節婦宋氏即學士家也

古井無波玉不塵，共姜端合是前身。九峯作壻名千古，  
一命如絲義萬鈞。仰荷

朝廷特旌節，坐令風俗盡還淳。東風莫道花如錦，連理  
枝頭不復春。

題丘太守霽詩冊

不學當年杜拾遺，直須錄事草堂資。立朝有子能分俸，  
賭墅無人解奕碁。橫槩賦詩從戍日，杖藜携酒看山時。  
風流未許吾來往，空向天涯覓紫芝。

閭山舊日讀書處，落落長松入夢思。卧聽翠濤翻夜壑，  
坐看金粉落秋帷。靈龍委蛻蟠雲久，一雀傳書渡海遲。  
十八年來列公位，相看不改歲寒姿。

次韻答陳正方僉憲

行行按部及春天，卷地霜風尚凜然。進士橫吹赤髯笛，  
騷人遥駐洞庭船。鷓鴣唱絕還堪和，鸚鵡才高亦可憐。  
忝是同年老兄弟，何時風雨對林眠。

到處無人說二天玉壺寒露自蕭然豺狼當道避駢馬  
簫鼓中流發画船江漢已成游女化泥塗還為故人憐  
元龍百尺樓如許餘子紛紛敢借眠  
不須舉酒問青天榮辱升沉豈偶然授簡昔年梁氏苑  
載書今日米家船呈身未可從求薦搖尾何曾乞憐  
珍重栢臺詩遠寄挑燈欲和不成眠  
雨落從來不上天死灰那得更堪然天中夜月桓伊笛  
湖上春風范蠡船撫卷驚看垂老別當歌懶聽想夫憐  
得人喚醒邯鄲夢白日羲皇一枕眠

東徐士亨五律同韻

吾道能行豈屈身休將憎愛損天真濟時才大非百里

數解名高第一人傳野多應作霖雨羅田暫爾借陽春  
夔親喜極難兄樂清白飛聲到耳頻  
風塵玉立見長身吳語人皆識季真小邑豈能淹爾驥  
上官未可慢斯人山田地瘠須甘雨江郭寒多賴早春  
更喜訟庭無一事詩筒千里寄來頻  
太倉一粟眇吾身歲晚心情只任真異世豈無投閣者  
同朝亦有負戈人紫泥舊錫五花誥白屋新葺萬斛春  
具慶于今更強健日呼諸弟捧觴頻  
青雲儒術早謀身谷口歸來伴子真修刺懶投牛屋客  
遺安聊學鹿門人睽違薊北三千里占斷江南九十春  
風雨五更酣一夢報朝無吏打門頻

囊無一物可資身始信吾清亦是真去作玉皇香案吏  
來尋綠野草堂人詩曰池草先成夢曆倩梅花早報春  
食粥近來將乏粥莫嫌乞米帖頻頻

壽王令好德父以三千年桃花為韻

岷江一道直孤南閩苑雙鸞此駐驂華屋相連荔枝圃  
甘泉絕侶菊花潭丹砂九轉將開鼎白髮多情未上簪  
莫向人間論甲子海桑葦說變來三

乾明節後下元前斗柄初移月未圓地有瀛山真絕境  
人如洛社搃高年回看玉局天一角咲和錦囊詩百篇  
誰遣三珠樹頭雀啣書飛下綵雲邊

雷雨何曾避峽川卧龍不起自蜿蜒江風江月情多少

桃李桃花歲六千愛客滿堂盡豪傑賢郎飛鳥是神仙  
他年此際猶堪賀五色鸞書下日邊

方丈方山一樣高銀河赤水共滔滔香風不斷吹瑤草  
仙露偏濃潤玉桃天際白雲延拄笏朝來爽氣入吟袍  
黃金如土清名重占斷乾坤一世豪

冰雪襟懷照玉梅梅花故逐小春開煖爐會客重到  
戲綵堂中人未回鳳吹堪諧綠水曲龍根只薦紫霞杯  
芙蓉別館緘題寄正傳華陽驛使來

手植三槐有幾家百年文獻重三巴澄澄明月峽中水  
藹藹河陽縣裏花御史青箱傳舊事仙人銅狄記年華  
登堂我欲插花舞萬里何由一泛槎

画竹為同年蕭孝功題

上林多少凌雲樹不及此君清節高秦地未能誇陸海  
晋人空自說山濤雷聲迸出蒼龍角雨色沾來彩鳳毛  
待得新晴吟興發琅玕節下試霜毫

送祁賊方使山海

兩年同署若同袍妙選兵曹自戶曹山海征車三舍近  
蓬萊回首五雲高能詩老師知無敵從事賢臣念獨勞  
屈指便逢瓜代日還

朝正及拜恩褒

次韻送葛君苓之吳

平地原非蜀道難若為相對羨長甯吳門春草三年綠

楚澤霜楓幾度丹元禮舟中惟郭太仲卿門下只任安  
臨歧愧乏瓊瑤報無限衷情寄筆端

次韻答孫廷組

老去無文解送窮春來有夢掛長紅梨花樹底多飛雪  
楊柳枝東窠受風病及杜陵詩捲癡狂如徐邈酒頻中  
故人傾倒知何日萬種閒愁一洗空

百事無營技轉窮十年虛廢太倉紅多情草色能禁雨  
薄命花飛不恨風騏驎吞巖當坂下蛟龍伏蟄在池中  
呼兒且進杯中物得失如今付太空

用前韻贈定西侯蔣公

太白豪非東野窮秀才徒爾號三紅寒生白羽當麾雪

暖拂青油入幙風倒卷雲濤三峽裡深愁花鳥一春中  
將壇高處詩壇在餘子紛紛眼底空

用張廷端韻壽戚里孫廷組

素海于今變或三如雲羽翼正暈南天光元舅家偏近  
露味仙人掌家甘玄圃玉多輕雨碧衍波箋好勝雲藍  
大椿直有八千歲甫也惟應嘆老楠

贈曹廷端中書乃种

詩如高適酒如仙富貴無媒到葛天勾曲也勝勾漏好  
阿咸還似阿戎賢庭栽椿樹三千歲曆驗梅花五十年  
有崔南飛如赤壁殷勤仍寄白雲篇

壽朱誠林二首

風流瀟灑似神仙寄山京華二十年吟得石犀唐子美  
戲將鴈鳳晉僧虔金塘水碧菱花曉玉宇風清桂子天  
正值絃麟初度日笑摩銅狄豈考遊  
飛飛青鳥度瀛洲十二珠簾半上鈎藥授廣成千歲訣  
詩題長慶二年秋金蘭社友投香篆玉笋門生送酒籌  
早晚參軍應有召五雲深處沐  
恩優

分題遼海懷歸壽陳脩契緝熙母

夜燈風雪午炊烟別却吳門已十年今子有文能獻納  
良人無事不周旋黃砂磧外思家月金鼎湖邊負郭田  
獻壽一杯今日酒五雲深處望遼天

壽楊內翰乃村

古泉書劍曾遊處  
維掖高風動一方  
太守知名先下榻  
諸生求道盡升堂  
閑西雅望千年在  
閩下真源一派長  
翰苑阿咸為別久  
題詩遙祝壽而康

寄淮安庠友劉景蘭

曾界烏絲寫硯銘  
別來遙憶綠莎廳  
淮河夜月雙飛鵲  
薊樹秋風兩度螢  
驪裏一鞭回玉勒  
轆轤千尺引銀瓶  
少年莫負青雲志  
况是傳家有一經  
江上青山架上書  
向來情況近何如  
曲終夜月聞歸雁  
書落春風走蠹魚  
元結作官從漫浪  
少游治產不贏餘  
何年更有尋芳約  
花外徒容候小車

有感

一年上巳與清明  
何事天公不放晴  
春雨番成秋雨嘆  
愁人難續覆人行  
錦城絲管散何在  
斗米衾裯價未平  
漫說蘭亭脩禊事  
松楸冷落若為情

次韻答張宗治

只解望雲不望塵  
君恩賜得故園春  
吟囊還載郎官筆  
坐榻未分丞相茵  
命酒十般花作友  
還家一度日逢人  
殷勤誰似張公子  
整頓行窩著老身

造屋戲書與弟華村

大厦了無千萬間  
區區環堵許多難  
家僮伐木來何晚  
天雨欺人濕不乾  
狹兔苦勞三窟計  
鷓鴣憑仗一枝安

鳳樓手段成鳩拙寄語鴿原著意看

二親壽容成謹賀

一形一影兩皆真豈是前身與後身老眼不昏銀海月  
慈顏常媚玉桃春烏紗螺粟恩光重翠髻蟬珠喜氣新  
願得同堂各強健滔滔東海見揚塵

柬趙克柔

兩兩風風未肯休老天應與麥為讎卓錫未必我無地  
多廩可容農有秋三月三日成寐寐一觴一咏付悠悠  
借問多才趙夫子也能煉石補天否

葛柱岩

百尺巖前一畝宮定山移得小山叢香飄金粟來雲際

曲奏霓裳度月中先祖舊誇勾漏令今今擬狀元紅  
我來醉聽歌招隱却愧浮生類轉蓬

山水為葛怡翁題

太守霜毫妙入神分明寫出定山春金堂玉室常常在  
瑤草琪花色色新千里登瀛應有路四天為辟更無隣  
身逢清世成真隱不學桃源只避秦

葛天祥天麟天寅同遊定山

不到定山三十年此來重覓虎跑泉泉聲歷歷琴樽裡  
山色依依几杖前佳致尚餘黃菊節老懷都付白雲篇  
舊遊落落晨星在誰解長生似葛仙

遊定山周杜韻



原件短缺

P13



天入滄江一鳥飛萬家烟樹望中微酒多地主役人醉  
日落山靈在我歸雅量載逢黃棘度新詩渾逼謝玄暉  
但將行樂酬齊物誰問朝衣與布衣

喜雨呈李學諭時雍陸司訓汝為

一月靈頻頃爾開棠林天意信堪回雨於此日真成喜  
租在今年不必催龍歛神功歸洞去蟻酣戰陣上階來  
小臣作頌成何補四海歡聲動地雷

同韻答徐惟毅惟初

西風無數槿花開閒向花邊日往回囊裡黃金貧易盡  
鏡中白髮老編催白雲曾逐青雲去今雨還如舊雨來  
落落平生家知己不令膠漆負陳雷

南園深處接芳筵接贈聊將寶劍篇十呈不回衝雪棹  
百緡曾借買山錢鬪茶公子飛鸞月彈瑟佳人落鴈天  
借取摩挲銅狄手插花起舞又明年

次韻華祖芳假山

卜居何必問玄夫累石為山入畫圖靈運不來真漫爾  
元章雖拜亦宜乎秋風洗竹將琴友春夜看花費燭奴  
欲借維南祝君壽三峯清氣逼蓬壺

友人失鷺戲柬

曾說鵝兒黃似酒幾番對酒便興嗟右軍從此莫來換  
仲子何須更出陸猶有短翎遺此地不知長頸落誰家  
竟無泛渚眠沙白閒却東池好漚麻

吳興平號半村

宗愛君家草堂好兩歧喧寂此中分入城買畚不多路  
捲幔看山無限雲川上漁舟常泛泛市中客肆任紛紛  
未能免俗還超俗雖是同群自不群

荅朱梅月通政

十年不作西湖夢又上東風瑪瑙坡素質也應同白驛  
繁華何必問紅羅雪深九地一陽復月在半天孤雀過  
呼取百壺花底醉冷香吹袖舞婆娑

寄黃杏軒

江南杏花處處有未比君家春雨多流及百川皆學海  
潤將一七即息波董仙舊訣從人錄杜老新詩每自哦

昨夜滄浪亭上夢分明談笑坐盤陀

寄秦東臯

懷君良久立蒼茫吟得新詩特寄將官裡同脩輿地志  
壺中自檢越人方夕陽西寺逢僧慣春雨東臯種杏忙  
醫國亦須揮翰手荷衣未必老山鄉

贈盛堯臣方伯公子

如麟之子鳳之雛問我題詩有也無天下幾人學杜甫  
城南明日送韓符屐聞錦瑟彈金縷閒把青絲繫玉壺  
年少養成九萬翼老夫拭目望南圖

華循禮病起

聞說梳頭已著簪烏絲紅袖可能禁五年載閨黃楊厄

三月將闌碧草深官稅有田仍養雀孫枝無樹不為琴  
醉中一枕鈞天夢誰聽秋蛩徹夜吟  
蒲芽出水似抽簪符籙牽風尚不禁花裡尋師勞夢遠  
客邊訪我見情深飛飛沙鳥傍烟艇兩兩玉童將月琴  
憶得太平橋下宿水龍一夜和高吟

次韻荅彭儀制

名門江右擅儒流簪紱蟬聯三百秋世瑞豈應無兩鳳  
才高那得有全牛昔聞制舉崇科目今見臚傳賜狀頭  
大宋蜚騰同小阮十分春色醉皇州  
一朵宮花酒十千賀君春榜獨居先東方文史三冬足  
上國高名萬里傳學海淵源知有自恩波浩蕩信無邊

斗墟雖隔三千里亦有城南尺五天

馬周不必遇常何三尺龍泉手自磨一舉翩翩知獨步  
諸生碌碌豈同科青蒲前代休來久丹桂今時種得多  
遙想朝回揮翰處硯池風雨起春波

萬壽寺贈西白上人

虎丘獅嶺未登臨萬壽禪宮迤邐尋後事半生浮世夢  
祝釐

萬歲上人心樓臺亦似當年好花木惟應此處溪隨喜  
更貪西院靜白雲滿塢石床陰

京國從師住十年歸來古剎只依然夢中月色浮杯渡  
定後琴聲卓錫泉一笑臨風成邂逅三生坐石話因緣

也應恠我東游急不向松窓借榻眠

贈蜀僧南峯

禮却金仙即是仙安心無處不安禪  
龍歸夜鉢雲歸岫水在寒瓶月在天  
宴坐忘言空佛印留衣故事有人傳  
蜀江萬里連東海憑仗浮杯不覓船

吳江道中

蘓臺東入吳江縣縣郭繁迴枕白沙  
沿路石橋知幾載隔湖煙樹是誰家  
水漲半浸青蒲葉風急偏欺細麥花  
一望望平千野濶却疑漂泊在天涯

曹時和進士九峯書屋

拂袖歸來尋別業亂雲深處獨樓遲  
一囊螢火照書案

九朶芙蓉落硯池青李來禽臨舊帖  
小山叢桂續新辭春風載酒華山道  
不為看山為問奇

登虎丘用薛大年韻

我輩復來登山亭夫差醉夢幾時醒  
凭闌十二風堪馭瘞劍三千氣上腥  
無客能詩到坡老有人鼓瑟似湘靈  
鳳鴉寂寞真如墓歲歲春風草自青

嘉禾寓陳大尹樓居

花絮滿樓春已深曲闌十二此登臨  
溪流常作珮環響野樹自成帷帳陰  
銀釜煖香浮蠹蟻畫屏生色立家禽  
主人拔劍酣歌罷我亦揮毫試一吟

贈永嘉暉上人

九山第一知名久相見暉公似貧公一宿出山應有覺  
三年面壁豈無功松臺影落袈裟月蓮宇香飄薝蔔風  
八十駸駸能矍鑠不扶藜杖過城東

留別永嘉趙司訓諫

趙公玉立高歌起官况無多樂有餘青李來禽臨晉帖  
野花啼鳥近山居芳樽獨對飛泉外古寺相過暑雨初  
明發孤舟千里別烟波渺渺正愁予

留別括蒼葉生

括蒼昨日把離杯又踏層雲過嶺來贈劍尺  
索詩况被雨頻催丹峯驛裡心如醉明月樓  
歸去摳衣從大阮竹林溪處讀書臺

龍欲化  
首重回

挽劉鄂譚友荆兄弟

並隸連荆兩桂林餘光燁燁照東吳交游有道歸公等  
造化無情奪友于陸抗不疑羊叔子曼卿終感范堯夫  
薄雲高義揮金手說與臨沮老鄧奴  
平蕪漫綠遠南沙喬木風聲有幾家靈物湏臾見鱗鳳  
賢人畢竟厄龍蛇情深北海尊中酒淚濕西州門外花  
二謝階庭有餘地春風無限茁蘭芽

贈俞一之號東山野人

野人只在東山住李白詩名謝傅才桂樹叢邊鴻寶枕  
薔薇花下竹根杯久知禮樂後先進幾度弓旌召不來  
許我移家傍雲月不妨爭席又爭隈

天然野性本疎慵，野寺尋花野客從。  
坐石撫琴時引雀，耕雲種玉自呼龍。  
浪求海上千年藥，不識人間萬戶封。  
蕭散由來勝拘束，巢由千古躡高踪。  
老我休官居北郭，感君命駕下東山。  
大家同挹烟霞癖，晚節自無桃李顏。  
世界三千行李外，羲文六百括囊間。  
逍遙一覺莊生夢，野雀孤雲任往還。

過元明號王坡

萬竹青青萬玉如，美人如玉此間居。  
綠雲滿地夏鋪簟，蒼雪灑衣秋讀書。  
龍杖一飛空濶外，鳳簫雙弄月明初。  
何當借我坡前石，飽挹清風坐嘯餘。

鄒以明梅里草堂

道鄉先生已十世，梅里草堂惟數椽。  
自古流風仰至德，于今卜築羨高賢。  
綠苔點點橫琴石，紅林離離養雀田。  
我欲尋盟仍吊古，酒船應許繫門前。

一葉蓮為吳尚朴作

芙蓉湖上浩風烟，渺漾中流一葉蓮。  
狂客看花乘月夜，佳人垂藕納涼天。  
碧簫酒當潑杯勸，色繭絲為錦纜牽。  
太乙真人天上住，重來人世又千年。

送星士金廷美

舊家人物古人風，一駿能令冀北空。  
萬里雲山如掌上，一天星斗在胸中。  
今宵對酒長橋月，明日征帆震澤風。  
老我功名付蕉鹿，相逢休更說窮通。

貽瓠林繆宗厚

之子半姿玉雪如舞雩游處亦從予三千禮樂遺經在  
十五男兒立志初書屋漫生如帶草墨池深養化龍魚  
孝廉會應他年

詔日日趨庭問起居

奉皇成國公時鎮守金陵

上公九錫秉桓圭屢拜 天書降紫泥滄海無涯納江  
漢泰山不動出雲霓鳳臺春早東皇近龍劍光高北斗  
低華袞寵褒非一二野人何敢獻新題  
經邦有道致時和風不鳴條海不波王爵追封三代遠  
帝都仰祝萬年多玉闕老將聽軍令白屋書生受禮羅

一代明良在今日有人擊壤續堯歌

伊周二老孰為賢文武無資將相權國輔正如航濟海  
世人徒以管窺天華夷同軌無中外

堯舜垂衣有後先大策元勳猶自抑一心清白得家傳  
白下橋頭見左車僕夫雅雅復魚魚閑睡麟趾周人詠  
江漢秋陽孟子書三壽作朋仁者靜九功惟叙道之餘  
忠安門下曾同席今日謙光亦似初

第一朝班侍玉墀天顏有喜窳先知于今南甸資藩屏  
自古東郊重保釐和氣釀成三月雨春光扶上萬年枝  
恩波浩蕩將何擬江水東流無盡期

茹芝為羽士陸宗文賦

山中白石煮不爛日啖玉芝如芋蕪四皓也應請至味  
千年何必問長生瑞露爇蒸肝腑潤玄津冷漱齒牙清  
莫為憔悴三閭客只向西風食落英

代作酬劉僉憲廷吉

萬里天涯一劍隨繡衣使者舊相知枯松欲死唯心在  
老驥知恩亦淚垂僧寺蕭條三日雨客囊羞澁一春詩  
甌江白鳥應相笑此客重來兩鬢絲

次韻登道山閣

自公退食豈偷閒高閣星辰手可攀華表柱頭雙白雀  
洞庭湖上一青山旁通窅眇龍蛇窟上逼森嚴虎豹關  
好待仙人王子晉玉笙吹向碧雲間

次韻朱揮使弟玉雪

十年踪跡各東西此日重逢憶舊題花落漫隨流水去  
雀歸還與白雲棲入山種木鋤煩荷出郭看花酒自携  
若使一生饜富貴首陽誰復伴夷齊

次韻壽劉以則

蟠桃前度已偷三春滿壺天雪滿簪上世有方能却老  
北堂無樹不宜男將軍枉駕曾供給詞客登壇漫笑談  
呼取百壺和月飲掬將東海漱餘酣

次韻答賀羨之薛良器

碧山如畫日如年款曲休教榻更懸夜雨漫成池草夢  
東風不作海棠顛行窩多在金庭上賜茅曾於鏡水邊



年少郎君今發解，明春三殿聽臚傳。  
親知一別動經年，心與吳天月共懸。  
阮籍憐君無白眼，馮唐笑我已華顛。  
簿書填委非官裡，樽酒留連是客邊。  
三鳳河東誇舊事，只今家學有人傳。  
竊祿朝端二十年，五雲回首思懸懸。  
山中結社來元亮，海上留衣別大顛。  
冰雪不妨連七澤，風塵今喜淨三邊。  
右丞一去藍田遠，秀句焉能處處傳。

謝秀之號東山

山中習靜掩柴扉，行蹟由來世上稀。  
高卧不知明月落，閒情休逐白雲飛。  
紫苔沁雨花粘屐，琪樹搖風翠濕衣。  
我亦謫仙同伴者，幾回清夢逸薔薇。

上舍蔣仲學席中次韻十首

君來何疾去，何徐今歲登科頭。  
必如清世不淹和，氏璧故家多貯鄴。  
疾書扶搖霄漢鵬，程遠寂寞江湖鴈。  
影跡莫忘舊時遊，白下一尊相對桂花初。

君詩能疾我能徐，自信君才我不如。  
唐室庭筠八义手，周家呂望六韜書。  
夜深酒却燈前滿，春盡花愁雨後疎。  
明日芙蓉金鏡下，壯心端不負當初。

陳蕃下榻為留徐，此夜留君意亦如。  
曾把雙魚憑客寄，不須凡鳥到門書。  
黃鍾十二遺音在，珠履三千舊跡疎。  
記得江南相別處，西風紅樹碧雲初。

莫使分携坐且徐，東南二美此間如。  
當年仲虺能為相

今日虞翻解著書拾芥功名何必早看花心事未應疎  
流光易盡情難盡明日南薰四月初  
天馬西來紀執徐駕駘滿地總無如憐君獨占江南步  
老我空傳圯下書縱使題名金榜晚豈應接跡玉堂疎  
一時聖相誰能識何但咸平李太初  
典雅文章聖曆徐君於鳳閣不難如庫中書得萬枚紙  
眼底觀來十乘書許國有懷多慷慨呈身無計任迂疎  
年踰四十當強仕莫學區區賦遂初

右贈奚元啟蔣仲學

顧况芳隣喜卜徐堂平王翰也應如客來對酒看花譜  
吏散臨池學草書交九但能忘爾汝世情何必論親疎

翻思乙丑春三月花滿東樓會面初

右贈顧光祿廷瑞乃徐士亨隣也

飛觴今夜莫教徐金谷園中罰必如白戰怒驚坡老句  
烏絲多做晉人書郎官才調君偏好方伯交情我不疎  
醉後僕夫催上馬海雲吹盡月明初

右贈楊員外叔瓚

自古南州祇一徐高風雅量許誰如解元京裡新登第  
弟子城南舊讀書半榻茶烟春冉冉四檐花雨夜踈踈  
那知三月杏園宴却在黃花九月初

右贈徐士亨是年九月會試

六龍下氏八龍徐前輩才名愧莫如滿匣塵埋看巖劍

就林風落讀殘書先生盤自年年在長者車後日日踈  
獨有蕪臺老詩伯同年雅志不忘初

右自述

夜宴壽驗封譚本彝

既見仍歌既醉篇卜鄰未惜買鄰錢長生八莢光真日  
高擢一枝仙桂天明月流輝人侶玉紫霞入暈酒如泉  
衣冠圖裡後頭看纔及王曾拜相年

秋官陸孟昭紫薇精舍

石湖湖上紫薇花此是前朝范相家人靜黃昏流素月  
門間白日護丹霞歸來華表千年雀啼散玄堂幾樹鴉  
甲榜仙郎在苦次一回起覽一興嗟

滿橋年年開紫薇風光良是舊游非塵埋九節仙人杖  
血漬三年孝子衣晨飯供餘山鳥下晚樵歌歇野僧屺  
九泉莫道天光隔丹鳳嘶書塚上飛

倚廬函丈面孤峯卜構爭傳陸士龍翁仲泣殘寒食雨  
蒲牢吼罷少林鐘蠹魚每向窓間落馴鹿多從戶外逢  
寄語問寄人莫到含哀讀禮未從容

紫薇花對紫薇郎今繞吳山一草堂世外仙游真汗漫  
人間物色易荒涼龜趺字古生春草馬鬣封高帶夕陽  
他日輶車過祠下東風蘋藻薦餘芳

贈進士呂明遠以太白詩歡娛恩榮四字為韻其  
父錦衣揮使

才名藉藉動長安文武兼資世所難彩鳳九苞由夢得  
雕龍五色在胸蟠薔薇露重吟箋濕桂子風高坐榻寒  
三月傳臚承

御宴釣天一曲萬年歡

不數昂昂千里駒少年獨步上天衢鷹揚韜畧推周父  
彪炳文章屬漢儒寶劍一揮初出匣珊瑚十尺不多株  
自公退食高堂上戲綵稱觴足自娛

宋室平章世澤存芝蘭能秀玉能溫傳經每致師尊席  
問字時容客到門夜看文光射牛斗春迎喜氣滿乾坤  
南山橋梓知多少若箇同朝荷  
渥恩

東華咫尺阻詩盟甲榜高題見姓名同輩三千誇歷塊  
名流十八會登瀛春風浩蕩搖宮柳曙月依微  
語禁鶯後日相歡一杯酒也陪豪俊集前榮

寄吳益清

白髮烏紗覆玉童風流誰似益清翁暖酣花鳥江城日  
吹老素鵝野墅風山為雲歸頻拄笏雀因客至始開籠  
畫船坐泛蘭苕水何日芳尊一咲同

寄賀余士英太守得子

汗馬歸來得鳳雛席珍今屬掌中珠多書不減三萬軸  
有子真成五丈夫王氏青氈遺舊物謝庭玉樹見新株  
何因燕寢凝香處一咲春風醉百壺

謝寶醫士

立馬門前問病因一時枯藥頓回春宋清豈得無佳傳  
盧扁從知有後身地不種桃惟種杏天教醫

國更醫人千金未可酬嘉惠只向通都說項頻

書成三庫杏成林春滿靈臺雪滿簪燕桂五枝傳十葉  
栽人一七直千金未隨黃雀啣環報空對清尊擊節吟  
弱息載生誰箇力海波雖淺意還深

送同年齊憲副讓東劉廉使

杏園春宴憶同歡才調如君獨步難強仕年前金作帶  
成周柱下鐵為冠高呼萬歲三雲曙路出重關八月寒  
莫信內臺忘外補紫泥早晚下金鑿

幾回目斷泰山雲纔得逢君又送君黃緞西清心戀戀  
綠波南浦思紛紛他時太史書司寇此日言官重惠文  
為語同年老廉訪宦途長是惜離群

送張世璉中書使朝鮮

玉節金符出建章倚天一劍指扶桑多儀屢致中朝貢  
大爵重封舊國王化日光中輿地濶恩波洽處海天長  
紀行應有詩千首方丈蓬壺在錦囊

寄陳翼之參議陳楚芳僉憲時治水張秋

綠袍春草曲江波黃甲連名乙丑科十五壯游唐杜甫  
三章約法漢蕭何陽秋舊說詩名大月旦今評水利多  
敵納幾曾忘外補看君飛步上鑿坡

崇武岡前水不流  
洪喬豈作寄書郵  
南城客館嗟新別  
西崦人家憶舊游  
三月鶯花隨處好  
百年萍梗此生浮  
求田問舍非吾事  
注目元龍百尺樓

送杜述檢

莫嘆蕭蕭兩鬢蓬  
此游真與壯游同  
陸沉世事皆身外  
茗雪風光似畫中  
史筆漫誇秦殿直  
詩壇還屬杜陵翁  
何當呼取東林酒  
共醉荷花十里紅

長至次李主事世瞻韻

京華風雪值連朝  
此際陽生冽氣消  
萬壽呼嵩逾漢武  
四時成歲荷

唐堯衣冠濟濟瞻

龍衣金石鏘鏘奏  
鳳韶六合車書今混一  
梯航入貢不知遥

早朝值雪次同年李叔玉貞外韻

劍履趨陪度禁闈  
六花呈瑞曉霏霏  
水從烏鵲橋邊下  
玉向袞龍袍上飛  
駭賦也應誇稔歲  
讀書曾記借餘輝  
三邊錫纊新承  
旨不遣寒威透鐵衣

挽王大理卿

天上騎箕事有無  
司平竟爾失規模  
功名謾說高官壽  
廉介真成大丈夫  
天遠幾時歸白雀  
家貧何處覓青蚨  
不才後死公先死  
却笑神明亦可誣

送學官致仕

夫子門墻地位高，菁莪棫樸荷甄陶。雲衢發軔輕千里，書錦歸田及二毛。賓館朝盤餐首着，故園春酒醉葡萄。從容進退真堪羨，漏盡鍾鳴祗自勞。

送王東白中書

九重天上聽綸音，一札殊諧萬衆心。博望乘槎銀漢遠，謫仙揮翰玉堂深。兩淮道控清江浦，十月霜酣碧樹林。處處觀風有佳什，歸來同向客窓吟。

病後寄大叅楊叔幾

夜燈杯酒午窓詩，不共高情又歲時。千里馳名良足羨，一春卧病亦堪悲。紫薇垣裡垂簾靜，丹鳳門前待漏遲。

羞見芙蓉照秋水，潘郎鬢髮半成絲。

送南京王都閩

元戎衆將搃嚴明，歷歷談公策老成。奏牘三千陳上策，連艘十萬入神京。翠華每從長楊獵，玉帳曾開細柳營。莫道流年成白首，壯心長劍與雲橫。

送漕運段指揮

奉使湖商屬舊游，豈惟半面識荊州。蜀中丞相聲名大，閩外將軍禮數優。江閣共乘青雀舫，天寒相贈黑貂裘。莫教避后不成醉，明日停雲獨倚樓。

送張揮使同邑人也

玉帳牙旗萬里侯，兼資文武仰前脩。蒼龍闕下隨仙仗，

金鳳鄉中憶故丘談笑直教長夜飲旋歸那得浹旬留  
真南驛使多如雨音問頻能慰我否

贈楊永韶還崑山無東夏鄉

拂曙輕烟漫綠蕪故人琴劍出

皇都還鄉老我無良策報國多君有壯圖客路春風折  
楊柳先坐秋雨泣秋梧太御問我何生理办了詩逋事  
事無

送張退之繡衣乃翁

倒瀉沙頭雙玉鉶驪駒一曲醉中聽帝鄉北望芙蓉苑  
客路南尋芍藥廳衰鬢漫驚今日白好山仍似舊時青  
維揚賀客如雲集太史重頌奏德星

黃門王伯宣被誣未雪

到處行踪類轉蓬十年相別此相逢未應塞上無歸馬  
須信人間有謫龍春色漫呼蕪市酒月明常聽景陽鍾  
囊封心事應如舊咫尺天門隔九重

次韻無題蒼童黃門志昂

小鳳啼殘綠幙風含桃開遍粉墻東千金買駿人何在  
束帛徵賢路未通衫色淡留天水碧鏡光昏蝕土花紅  
一生懶覓長門賦心如冰首自蓬

自古娉婷欲嫁難更堪螺綠半粧殘風騰鐵馬聲偏急  
海注銅龍滴未乾曲几燒香延晝永回文織錦罷春寒  
九華石上菖蒲老馬得花開一笑看



青鳥紅巾夢裡來，宮車別院響春雷。世間神物終當合，  
天上奔流不復回。帶雨桃花嗟薄命，因風柳絮信多才。  
明朝又是清明節，強把新烟煖舊灰。  
去住茫然兩絕踪，半窓斜月一聲鍾。自甘意味如秋淡，  
不解風光似酒濃。吹笛誰家折楊柳，涉江何處采芙蓉。  
微裊暗逐爽靈去，直上天門第九重。

次聰上人韻

半日看雲即勝游，陶潛不却遠公留。林中蘆蔔香吹雨，  
井上梧桐葉報秋。喜有青精能再發，慚無玉帶可相酬。  
客窓後夜勞飛夢，月落鐘聲出寺樓。  
百事都忘染病何，尋僧惟到少林多。非才浪說探蟾窟，

是幻何勞賦繭窩。風榻碧桐寒午暝，雨垣青荔被春莎。  
巴人下里真吾輩，強和陽春白雪歌。

贈嚴主簿正學

十載殊鄉嘆索居，盍簪都下意何如。秋高溪樹啼鶯少，  
天闊平蕪落雁疎。杜甫無錢資顧直，揚雄有賦待吹嘘。  
明朝又聽驪駒曲，何日高談重起予。  
浮生聚首若為難，僅得東樓半日歡。飛雉在琴思牧犢，  
雜花如画付邊鸞。香山社裡忘形友，高士軒中窈好官。  
斥鷃大鵬皆分定，南華一卷借君看。

寄夏一中都運舊同寅

維揚城下東流水，共說年來徹底清。九錫已登三品貴，

千金難買一廡名芙蓉劍外看秋色芍藥廳前坐月明  
欲借天風駕黃雀瓊花開處重尋盟

淮城此鄉會原聯句

新城東畔蹴寒驂下避道從教野老嫌一水恍疑桃李  
渡郵半程繞過菊花潭纍纍仙塚霜餘草下小小人家  
樹底簷不得相從此行樂郵客懷於我獨何堪下

贈唐宗吉

宣室無書召洛陽門生多在鄭公鄉終看賈誼當前席  
未許彭宣入後堂舊物十年瓊擁坐新詩千首錦為囊  
西湖風月平分得百遍相過也不妨  
夜酌吳彥明上舍

客有舊盟何處尋楊家溝上草堂澗嘉蔬小摘園中綠  
甘橘新分葉底金神物百年終遇合好山九日重登臨  
尊前試取吳鉤看抵掌誰能負壯心

送王星士益才

二十餘年倚

禁闌急流勇退謝麻衣殘山剩水風光在覆雨翻雲世  
事非燕子泥香巢漸補王孫草綠客初歸明朝寂寞成  
遙念雲霧江天隔少微

浮世生涯類轉蓬江南又見李虛中黃梁漫說邯鄲夢  
白首堪誇鬢錦翁華館別筵紅燭夜蘭溪歸路錦帆風  
更於後會知何地惆悵鴻飛西復東

分題曲几壽沈廷美

爾形蟠曲爾心平半是生成半琢成七寶雖奢何足貴  
一塵不染本來清聽鶯每向花前倚引雀相從月下行  
女几山中十年事世人誰不羨長生

次韻答琴川卞克明

歷歷素畦間麥疇客袍五月冷如秋迷離失宿驚黃犬  
款段循途避紫駟吏似漆園宜獨傲人非杞國不同憂  
由來救水輕鍾鼎歸去端能慰白頭  
西郊無雨及西疇失却今年望有秋太瘦只應同野雀  
徒行何必倩驂駟謝公丘壑真成隱范老江湖亦抱憂  
惟底今朝明鏡裡飛蓬變盡少年頭

送宣廷吉少府

宣君即是崔斯立予不負丞丞負予地近皇都堪命駕  
日長官署只看書一琴靜撫雙松下刈穡高登數載餘  
誰敢尊前問曹事東風吹酒杏花初

送嚴廷章主事督餉鴈門

王事賢勞使節尊子陵高尚見雲孫親聆  
天語辭龍陛遠挾霜威過鴈門多少胡兒碎蓋粉三千  
虎士飽饗殄凱旋奏績青雲表漢室蕭侯未足論

將淮城紫霄宮庠生劉芳陪行

試問琳宮何處是東城不費出東郊門前古墓無人識  
屋後長松有雀巢一勺玄漿和露飲數聲清磬隔花敲

劉郎書劍陪清賞不覺斜陽轉樹梢

送崑山僧南宗

一年兩度此相逢聽徹晨鐘與暮鐘露葉盡凋今日柳  
雲梢應偃舊時松身辭上國三千里夢落東吳第幾峯  
歸者雨花臺下月焚香翻譯任從容

葦夏德輒授大尹

烏府黃門諒不難天教才俊拜郎官謫龍在地休相狎  
失馬還家未足歡五色雲中曾附鳳一叢棘裡暫棲鸞  
紫陽亦是同安簿廊廟勳階拭目看

送妻兄徐叔諒

博雅如君更老成連床風雨話平生未從杜甫看文選

先向王充借論衡滄海一螺隨浪遠青天雙鷲與秋橫  
明朝又理南歸棹笑指芙蓉江上城

東謝廷柱同府

甘棠橋下駐星軺正是書雲第二朝萬國咸寧群醜息  
一陽初長六陰消秉鈞勲業須當道別駕才名已滿朝  
老我筆耕成鹵莽欲憑甘雨種春苗

謝揮使宗玉南園草亭

燕子泥香芹草綠春流帶雨入南池將軍書報東橋竹  
太傅兵談別墅棋宮燭曾傳寒食節邊烽不舉泰平時  
石闌斜倚青油幕蘸筆從容一賦詩

留別吳尚村二首

天上歸來兩歲華，肩輿一舍過君家。  
水聲湍耳洞庭樂，春色連天桃李花。  
羅立階除人似玉，醉傾杯酌酒如霞。  
臨歧更有登山約，阿對泉頭陸羽茶。  
別墅同遊覽物華，濁醪時復過隣家。  
麝香本是王孫草，桃李誰非縣令花。  
舊約連床聽夜雨，新詩滿紙粲春霞。  
十年交好忘賓主，紗帽籠頭自煮茶。

漁隱為同年張繡衣仲書乃祖賦

溪上蘆花作雪飛，羊裘未肯博朝衣。  
清流一帶環書屋，白鳥雙飛下釣磯。  
休羨東吳葦菜美，也應西塞鱖魚肥。  
一聲款乃無人和，落日扁舟獨自歸。

重慶堂為前人題

泥金帖子報登科，重慶堂中喜氣多。  
父子百年齊壽域，祖孫三世沐恩波。  
瓊筵滿泛鸞鷁杓，繡服新裁蛺蝶羅。  
予忝同年又同慶，勝擊節為高歌。

趙都督良佐席中次韻

紛紛綠艷與紅香，那得相依畫錦堂。  
公退有時尋舊約，春深何處覓餘芳。  
六么款款歌金縷，百罰頻頻送羽觴。  
從此客愁都掃盡，三千白髮可容長。  
折取殘枝嗅晚香，青春別我去堂堂。  
也知前輩輕年少，故遣開花殿衆芳。  
安石東山空著屐，會稽曲水自流觴。  
何如好客閩都督，掛日絲繩萬丈長。  
賀王廷貴進秩左庶子兼侍講

桂香吹滿傍花前  
回首金陵二十年  
獨步從知攀逸少  
無官更喜沐恩偏  
地分清切真無忝  
海望功橫未足賢  
朝退玉堂先署事  
不教日過八花磚  
探花仙客紫芝眉  
劍井騰光僅一時  
五鳳樓文誇手段  
三槐堂記愜心期  
巷南巷北居相近  
年去年來感舊知  
香滴紫薇花上露  
濡毫先和早

朝詩

覽吳原博文稿

謫仙沒後斯人出  
風月于今更不閒  
我願低頭拜東野  
人應極口頌西山  
粲粲芙蓉秋水上  
珊珊環珮碧雲間  
高岡冷落梧桐樹  
綵鳳千年去復還

老夫兀坐懷千古  
舉目天空無四隣  
幾回自笑還自語  
一見異書知異人  
餘子碌碌不足數  
大聲泚泚可無倫  
有約西窓風雨夜  
篝燈相對苦吟身

次韻復丘太守時雍十首

紫陌看花共十年  
幾回退直聽便便  
分符獨羨君為郡  
辟穀殊慚我學仙  
偶得一楫傳鴈帛  
相尋百里趁漁船  
虎丘花雨楓橋月  
不似當時嘆各天

黃堂無事日如年  
蘭雪清風灑靜便  
射策部中人及第  
上書門下客登仙  
洪都舊有陳蕃榻  
清世今無范蠡船  
誰料白頭無賴在  
又披雲霧覩青天  
太史連書大有年  
閭閻無處不安便  
樂天出守曾為傳

景倩還朝儼若仙瀨氣九秋三弄笛太湖萬頃一歸船  
相逢獨念同

朝客危酒中間有二天

兩歷專城四紀年五車書貯十圍便春王正月行春令  
地主清風逼地仙侯霸舊承寬大詔張憑新載孝廉船  
蘓臺北望三千里不異城南尺五天

舊譜營丘受姓年卜居江右樂清便才名籍籍周司寇  
逸氣飄飄李謫仙南國佳人白苧曲洞庭公子木蘭船  
老夫十日苦霖雨五色憑君一補天

聞得除官是去年借書問字得相便大方豈敢稱詩伯  
高士空教號筆仙紫氣衝霄豐嶽劍晴虹貫月米家船

若非夫子發吾覆終是醜雞在甕天

下車問俗未經年處處安居事事便邑里蒸田同范老  
市門老卒有梅仙花濃野館春停騎月白官河夜放船  
料得淮揚君不薄丹心一寸荅

皇天

九農蜡祭慶豐年水宿山行得兩便刺史身親歷阡陌  
傍人指點是神仙城中春雨千家樹海上南風萬里船  
不獨潁川諱第一英聲飛入九重天

大風拔木值今年艱食憂民不自便是處糞倉周餓殍  
何人絕粒作真仙省刑天上郎官筆薄稅江南賈客船  
菜色頓教成喜色君侯有力可回天

懶索齊諧問子年間居獨與作詩便九歌楚客吟山鬼  
一咲涪翁咏水仙飢愛楚江萍若斗渴思秦華藕如船  
殷勤驛使姑蘓道折贈梅花歲暮天

留別王朝輔

大阮論文御史臺詩壇今復識清才家聲不忝新攀桂  
世澤猶存舊種槐言偃里中勞問字仲雍山下醉啣盃  
分携應是臨長至帶得陽和海上面

壽歲為從祖南窓翁賦

吾生與死若浮休預卜南山土一丘白日三千年始見  
滄江億萬古長流濡毫且作壁間画琢玉未成天上樓  
呼取杖頭錢買酒借公息處書同游

太守同年宋楚玉之充

天上歸來問訊遲纔能會合又睽離江東正是思君處  
河內空無借寇時老檜秋霜遺舊道甘棠春雨長新枝  
泰山直欲登絕頂敢乞清風為我吹  
閩海于今尚不波毘陵甘露降來多拜恩新賜黃金帶  
行色頻催白玉珂岱色連天瞻魯山江聲帶雨入淮河  
浴沂童子風乎詠便是漁陽麥秀歌

丁亥歲生日

生當穀日合明農七七年来兩鬢蓬頗解知非如白傅  
還能一咲似蘓公烹羊薦酒春筵裡騎馬朝天晚夢中  
卜得豐年三白後六花又喜散東風



庠友曹允誠王國英同游繖墩追和舊作

蒼松五鬣雀千年湖上能乘幾度船  
西竺有書皆貝葉上方無處不青蓮  
天香冉冉浮雙塔日影遲遲過八磚  
石火銷沉衣鉢在遠師妙處得心傳

二頃湖田喜有年湖魚所雪薦觥船  
敲門有客來看竹隔水何人唱采蓮  
白石滿山都是玉黃金布地不須磚  
相過草草題詩句說與詩奴莫浪傳

舊客如今安在哉舊題看嚴重徘徊  
深巖寶刹重巖樹暗蝕金鋪積雨苔  
流水白雲長自在拒霜黃菊為誰開  
山僧不乞城中食赤脚湖田刈稻來

不扣禪關久矣哉夢中猶自此徘徊  
偶同野叟拾山果休遣山童掃石苔  
清話一宵諸事畢好懷百歲幾回開  
平明欲別曹休去又報王私送酒來

不到叢林十六年放生池上重乘船  
宸深綠蔭羅琪樹欲散紅香落錦蓮  
客為催詩頻擊鉢僧緣悟法懶磨磚  
大家不作攢眉去落日秋杯次第傳

右進士時作

湖上孤峯亦壯哉振衣絕頂且徘徊  
旋成新句刻青竹細讀古碑刻綠苔  
優鉢有花春不老洞門無鎖畫常開  
他年飛步瀛洲去結社能忘此地來

右弱冠時作

宗叔梅隱壽藏

佳城松柏已青青相近吾家萬木亭  
華屋千年誰久住  
雍門一曲且休聽

君王有道同歸極天地無情各委形  
回首往時南北路  
此身何異逐浮萍

合抱雙峯擁鬢髮壽歲如在萬安山  
蕭窩地與人間隔  
蟻穴身後夢裡還償却一生詩酒債  
鑿開千古利名關  
大彭若也同吾老七百餘年此處閒

贈曹允誠

嚴劍看花發浩歌君今跌宕我蹉跎  
胸中雲夢吞八九  
世上蓬瀛隔幾多獻策定須先賈董  
作詩空自老陰何  
草堂錯比揚雄宅問字時時載酒過

淡秋十日不相逢薄暮清砧五夜鍾  
書屋芸香應辟索  
墨池水淺亦藏龍有時搏風九萬里  
曾夢登天第八重  
年少杏園春宴後莫忘江上采芙蓉

同楊都憲叔璣昆仲游洋湖同韻十首

洋湖湖水碧連天變作葡萄入酒船  
畫鼓聲喧清瀨裡  
錦帆影落綵雲邊賓筵樽俎逢今日  
宦海風波涉往年  
一色芙蓉紅千里主人不費買花錢

笑指陽山翠挿天峯如玉井藕如船  
名誇文筆魁江左  
影似青蓮落水邊龍窟沸泉真沃壤  
鵝湖多稼屢豐年  
休言有酒無殺薦雪白鱸魚不論錢

洪爐何處避炎天風掃湖亭雨入船  
蟻綠百壺深未竭

鷗波千頃渺無邊  
誌留封號安陽郡  
詩記來游已五年  
便欲買山成卜築  
東坡居士恨無錢

虹光十丈燭青天  
知是米家書畫船  
烏篆微茫烟渚外  
漁歌款乃夕陽邊  
落霞孤鶩齊飛處  
古廟殘碑不記年  
歸去月明湖上路  
幾多屐齒印苔錢

聞道行裝向曉天  
苦留重上泛湖船  
鳥如翠管鳴沙際  
花當紅粧立酒邊  
末契自應當末路  
餘波何幸及餘年  
平分一曲如相許  
不吝囊中百萬錢

中流簫鼓起樓船  
風雨生涼薦酒筵  
不是客懷深似海  
難禁水勢闊如天  
蒼龍挾子雲中下  
白鳥將雛草際眠  
老我憂民心尚在  
白頭浪裡看湖田

紫電如蛇走入船  
青絲繫玉重開筵  
真成喫酒化為雨  
更欲騎鯨飛上天  
醉態宛如輕燕舞  
浩歌驚起老龍眠  
補天安得五色石  
滄海都成種玉田

載却阿戎回暮船  
羽觴飛月坐瑤筵  
手中雙劍斫破地  
水底一篙撐着天  
未卜幾時能載會  
何妨今夜不成眠  
少陵已買瀼西宅  
坡老謾求陽羨田

望望登仙李鄭船  
吾徒潦倒亦同筵  
正如湘水曉行日  
不是楓橋夜泊天  
巢鷺聞喧棲不定  
後伶知樂立忘眠  
等閒拋却黃金印  
負郭生涯二頃田

太液池頭不上船  
清平一曲獻宮筵  
薊門迥隔三千里  
常曲空聞尺五天  
聊向習家池上醉  
不從吏部堯邊眠

西堂兄弟添詩草夜雨簷花落硯田

父員外郎母宜人同壽

具慶今年七十五春中夏末是生辰忘憂日日對萱草  
難老時時祝大椿螻蟻乾坤息莫報鳴鳩朝暮德惟均  
果能相似曾參考遮莫只如原憲貧

壽定西侯母夫人

蟻蛛夏翟繡麒麟閱年汲寵渥新敷歷三邊老儒將  
起居一品太夫人北堂慈竹有餘蔭西母蟠桃無限春  
帥府時清公事少稱觴舞彩喜頻頻

題吳以成所藏官扇蓋其先翁處貞授之者

端午須臾出內廷故人千里寄延陵今日東陽守何在

昔年右軍書不能自有清風吹六月不須赤脚躡層冰  
先君手澤傳百世庭訓諄諄要服膺

南山書屋為徐廷齡作

一經家學授先翁絳帳新開侶馬融侍立庭前多夜雪  
從游雪下有春風求珠採玉元無異入室升堂自不同  
獨與彭宣講經義至今不到後堂中

留別鄧以行

桃花香露濕胭脂楊柳青烟染作絲吳姬長袖舞來好  
野鴨短翎飛去遲多君朱紱他年事老我滄洲此日期  
一醉蘭陵又相別孤舟明月費相思

書夢甲申夏六月

老無八翼上天門，晝夢分明見至尊。  
衛士森嚴新隊仗，舍人獻納舊司存。  
香烟裊裊飛庭陛，珮玉珊珊度掖垣。  
豈是江湖心魏闕，也應一飯不忘恩。

病目

昭昭何以致昏昏，不擊焉能得道存。  
漫說死生皆有命，須知禍福本無門。  
幾多艾瘵七年病，一寸膠澄千丈渾。  
寡欲養生宜早計，要留餘暇及兒孫。  
止酒經旬坐寂寥，昏昏聊復昭昭浮。  
雲殺日雖初散薄，霧籠花尚未消。  
曾報池紅開菡萏，忽看庭綠長芭蕉。  
從今銀海休輕撓，會察秋毫徹九霄。

索藤杖東坡方伯時望

鐵君已別東坡去，靈壽惟應賜孔光。  
借爾一千年老節，從吾六十杖于鄉。  
仙人綠玉何由得天祿，青藜不敢當蜀道。  
太行無復夢，祇憑扶醉百花庄。

趙汝明壽巖

卜了菟裘卜蠶窩，人生此樂復如何。  
百年夜旦真常事，萬里乾坤一浩歌。  
永絕聘書來北郭，閒看行蟻上南柯。  
萬安山與嵩山近，不許浮雲此處過。

贈繆敦素

古郡蘭陵祖繆公，風流文采擅吳中。  
牙冠諤諤存家乘，麟趾振振咏國風。  
人似南州曾榻下，酒如北海不尊空。

齊眉偕老能無恙夢裡當年賜玉童

哭先祖成化元年

一生無事只陶然何必區區八百年不湧貨泉成怨府  
只平心地作良田寒燈影裡多情話社鼓聲中任醉眠  
一息飄然乘化去天仙原是地行仙

萬鍾九鼎一毛輕只挂登科錄上名種樹十年知遠計  
分甘一味敢忘情烏巾自分終為士白首何曾更入城  
不得在家為永訣辭朝此日出都城

砂山直北陶城村故老于今幾箇存一片愁雲埋竹祖  
千行淚雨泣桐孫賓筵莫預鄉人飲賜帛曾沾  
聖主恩八極神游真汗漫世間空自賦招魂

初度自賀

具慶仍誇五弟兄有官無事荷昇平還家初度今三度  
涉世浮生已半生連日雲飛占歲稔初昏月色見參橫  
長安北斗江南道二十餘年兩地情

絕交不性孔方兄嫁娶聊同向子平片鷄無心焉萬里  
省郎有夢悟三生鏡中白髮多新出門外青山只舊橫  
但得階庭見蘭芷世間萬事不關情

昔呼張丈與張兄太半淪亡恨未平我欲棄榆成菽景  
誰能松雀共長生一盃藍尾教兒飲三尺斑蘭在壁橫  
屈指元宵又相近傳柑那得舊風情

送謝二守時芳祈雨有感

西晉名藩一桂林  
解元聲價重南金  
米朝載祀齊天壽  
在那常懸捧日心  
洪範休徵有卿月  
今年大旱得商霖  
寒蟬抱葉無聲久  
為感清風試一吟

瞿炳暘號醉漁

旋買香醪薦紫葢  
蒼花暖處暖如春  
卜隣西塞山前客  
結社習家池上人  
夢渴尋常欲吞海  
酣眠畢竟不知津  
頽然又是三千日  
那得工夫理釣緝

挽徐竹雪景州

竹自蕭蕭雪自寒  
仙遊何處駕飛鸞  
可憐今代風流盡  
欲似當時笑語難  
寂寞春筵金鑿落  
淒涼夏簞碧琅玕  
十年宦海歸來晚  
宿草原頭老淚彈

挽徐景高

君年於我未為多  
倏爾云殂柰命何  
宇宙千年留馬塚  
風雷一夕失龍梭  
春雲繡幙圍芍藥  
涼月絺衣掛薜蘿  
今日惘然追往事  
愁來楚些不成歌

次韻荅華叔弟得琴

有客東來得此琴  
風情往古即來今  
良材自異溝中斲  
焦尾何須爨下尋  
萬壑雲濤天籟合  
一簾風露夜堂深  
平生兩耳皆箏笛  
莫恠頻過聽雅音

一片高情一曲琴  
琴臺寂寂到如今  
俄聞此夜離鸞操  
更約明朝引雀尋  
柳絮飛揚天地闊  
桐枝剝落歲年深  
子期不把黃金鑄  
舉世何人為賞音

聽琴莫聽雍門琴俯仰不勝悲古今偶得響泉真絕品  
假令踏雪也相尋百千萬劫彈指頃三十九字篆痕淺  
試向尊前鼓一曲耳邊三日有道音

遊張公洞

開闢以來有此洞三千年後我重遊鑿開九竅更無地  
混合四時都是秋親見香芹嚼白燕昔聞老樹化青牛  
細泉一脉通南麓始信桃源有狀流

憶遊張公洞寓沈時曜宅

曾被玄都道士留洞天三日采真遊青山自古來如此  
白服如今在也否舉世文章非李杜何人踪跡是巢山  
明年春日須來早莫待桃花逐水流

同來十日此淹留又說張公洞裡遊巖石舊題文字在  
山人猶記姓名否開雲種玉伊誰阻拄杖看花不自由  
明日東湖弄雲水浩歌鼓柁向中流  
野雀孤雲任去留烟霞深處憶曾遊山中佳趣誰能識  
石上舊題今在否塵世多人辭未了仙源有路去何由  
分明記得歸時路右木蒼藤水亂流

洞庭書屋

悵望美人隔秋水瀟湘移向座中看隣翁有約同碁局  
野鳥忘機近釣竿洗硯黑雲春泛影捲簾蒼雪晝生寒  
不須更鼓南游柁瑤瑟月明清夜彈

次韻復沈時易郎中



林屋洞天天下稀看花出洞咏而歸青山乍見如迎我  
紅雨空飛不濕衣獨雀叫雲堦下舞五弦信手月中揮  
與君晚結金蘭契二十年前事已非

哭中書曹廷端

丙子年間卧病餘隔隣垂問獨勤渠令人自醉周郎在  
於我相知鮑叔如南墅扣門春載酒東樓剪燭夜看書  
而今事事成陳迹立盡斜陽幾嘆吁

中書秩滿欲喬迁白髮尚書計忽傳千里三節尋玉局  
兩年雙屐隊黃泉伏生有女能名世伯道無兒不怨天  
落月屋梁顏色在一回夢醒一潸然

寓毘山寺二首時徐內翰廬墓

中郎餘俸鬻文錢只買青山不買田去國已無禪國計  
在家仍結出家緣白雲半榻維摩室明月孤琴阿對泉  
若問如何是生理焚香讀易了餘年

來依閒寂避喧囂四月中旬第四朝孝子廬前將屢  
賢人巷裏借簞歌端居虛室天光發散步長林暑氣消  
諸子讀書須宦達吾生只合老漁樵

贈處郡韓二守

一代明良喜載逢同堂刺史復同宗少微分野來高士  
別駕陽春及老農爽氣入簾朝拄笏清香凝寢夜聞鐘  
吾今一識荊州面何必區區萬戶封

客途自慰

古人千里曾命駕底事吾懷鬱未開白髮倚門無有恙  
清時抱玉重堪哀水聲如珮枕邊落山色送青船裡來  
一見相知即相別故園歸去捧春杯

嚴灘釣臺即景

石屏彷彿小蓬萊上下軒窓面面開匡斷豈由神禹鑿  
樹深非倩橐駝栽數聲翠鳥依巖語一個青衣喚渡來  
但恨吾非劉阮輩人間處處是天台

涇湖江驛

涇江驛外水茫茫曉逐官船一葦杭方伯有情憐我別  
江神無語笑人忙一尊日落還相對萬弩潮平不復張  
更上藍輿行十里片雲將雨及昏黃

覽古睦衆山

天翁地媪亦催詩日出諸峯各獻奇重疊近邊多列障  
依微遠處半成眉出雲若解為霖雨連歲何因有旱時  
獨對富春成載拜客星千古照荒祠

贈處郡韓太守

錦衣出鎮淮揚郡文武無資第一流韓子偶然逢賈島  
李生何幸識荊州觀風舊應雙星使被

命新登五馬侯對酒咲談鄉國近兩家南北隔滄洲  
括蒼對面太古色惠澤雙溪日夜流重鎮無如今太守  
俊人還屬古場川草麻會拜黃丞相騎竹先迎郭細侯  
退食從容能作頌清風吹我上瀛洲

西巖為蔡別駕乃翁賦

構得茹堂背郭東巖耕至老只為農汲江漁父或同宿  
隔水美人時自逢飛下天香桂子夜挹來爽氣蓮花峯  
老夫浪跡長庚下便欲卜鄰從不從

次韻荅余方伯士英

太白借我五色筆都將心事寫君前蒼生百萬合當息  
范叔一寒何足憐黃河餘潤有九里白日同光無二天  
坐看東南生瑞氣袖中携得御爐烟

庠友熊元之周廷蔭同遊廣福寺

諸生從我入禪家借取禪床設絳紗八月中秋值風雨  
十年舊事憶京華遠公社裡休沽酒陸子經中贖品茶

更擬殘冬聽說法蒲團坐對款冬花

宿廣福寺皓公房

中秋無月也無妨千佛堂前列炬光白足上人心似水  
青衫朝士鬢如霜苔堦雨濕偏生暈桂闌雲澗不碍香  
坐到夜分仍命酒好懷佳節正相當

趙仲年號且侯

守拙蓬門不外求傍人莫笑太悠悠深藏美玉須高價  
力殖嘉苗待有秋塞馬自應忘得失海鳥何必問沉浮  
平生愛殺磻溪叟不向斜陽嘆白頭

醉書前人壁

故家喬木百餘年文采風流侶昔賢多網江魚非入市

滿笏家釀不論錢風清求友黃鸝語沙暖將鷓白鳥眠  
舊好豈應同末契醉中石榻掃秋烟

趙愛山席上倡和

共醉君家玉色醪  
嗟呼鸚鵡啄金桃  
聯成石鼎誇公等  
焚却銀魚愧我曹  
老去風情渾冷淡  
秋來山色更清高  
醉歸十里人爭看  
馬上花枝拂繡袍  
長日彈琴飲濁醪  
千年東海熟蟠桃  
但知傲吏非凡吏  
不記官曹是馬曹  
滄海欲枯鯨飲劇  
碧天無際雀飛高  
眼前碌碌皆餘子  
北斗南來一布袍

贈鐵筆李皇士

鐵筆無情史筆同  
前身應是李虛中  
鄙夫反覆無常道

真宰安排有至公  
學易數年知進退  
如神一語判窮通  
從今悟却安心法  
跨海吞天枉用功

贈庠友朱有經

少年力學惜三餘  
餘子紛紛揔不如  
綵筆欲揮兩都賦  
青燈須讀五車書  
龍門水暖桃花後  
蟾窟秋香桂子初  
游夏升堂皆達者  
不勝潦倒獨慚予

張天澤翠雲亭

一亭清致淨炎埃  
三徑潏潏此處開  
六月不炒移榻去  
兩山何必送青來  
團成旌影迷龍杖  
隔斷簫聲下鳳臺  
愧我俗緣今未了  
梨花冷落莫空回

東山寺

東山不見謝安卧衣鉢唯餘學佛徒  
細草春香浮玉洞古苔晴暈暗金鋪  
坐留盤石間偏好行逐飛雲醉不扶  
誰信吾鄉形勝處舊題一字此中無

白龍寺

來遊白龍宿白龍聽罷晨鐘復暮鐘  
金刹廢來生薜荔石池留得種芙蓉  
遠公淨社成新好蕭帝奎章失舊踪  
龍也有靈蘓大早坐看雲氣畫濛濛  
縑流文字有儒風絕與聰殊氣味同  
古譯舊傳三竺外新知多在十年中  
青蓮湛月臨僧舍碧樹如雲護佛宮  
我亦聞鍾發深省題詩深愧浣花翁

中秋成化十一年

妻不下堂子在床中庭獨自對壺觴  
今番老子不盡興此夜嫦娥應斷腸  
浮世百年皆夢幻謫仙一死欠詩狂  
自今以後當今夕可得酣歌二十場

披衣岸幘據胡床一舉何妨累十觴  
疾走也知塘有足橫行那信蟹無腸  
天然好景秋逾好老矣狂夫醉更狂  
甲子年間南省試揮毫今夜第三場

酷愛秋光誰共論三更行坐自黃昏  
看雲吞月復吐月搔首出門還入門  
那得沉酣消酒興只應不寐役詩魂  
窓雞解意能先唱不待扶桑掛曉暉  
少年曾續麗人行今作臨邛病長卿  
偶得新懽如夢遇回思舊事忽心驚  
陶潛怯酒還須止杜甫耽詩亦漫成

大半同年登鬼錄不才何幸尚浮生

留別吳以榮

花底相留月下迎一年三度此經行滿堂何必皆金玉  
四海由來搃弟兄對面短檠和雪照防身長劍與雲橫  
自慚潦倒心如醉強結諸生歲晏盟

送顧繡衣廷表之南臺

壯志投君寶劍篇知音贈我伯牙弦看花共醉清明節  
折柳時登白下船范轡攬後今日始相鞭着在古人先  
乘駃衣繡都門道同輩誰能似少年

送徐推官叔宣時予卧病

不向都門共別筵寸心如月自懸懸東南便道毘陵郡

巴蜀之官丙子年燕惠不畱鄒衍獄清河應讓普明田  
高門駟馬非難事佳傳重勞太史編

沈伯善號東軒

西方美人不可親千古神交蘓穎濱在几琴書先向曙  
端庭花木早知春未能止酒如陶令應復食霞養谷神  
日日知君此晞髮扶桑枝上掛綸巾

盛方伯時望重恩樓

華構翬飛殊壯觀元龍未許獨稱豪身霑雨露天階近  
手搗星辰地位高燁燁虹光生  
御札溶溶春色上官袍忽聞雲裡新聲落知是仙翁醉  
碧桃

祈雨次韻荅徐士亨羅田令

一雨西從華山至倒翻玉女洗頭盆風吹大澤龍腥氣  
水沒平沙鳥篆痕獲稻會須稊與億穰田何必酒無豚  
歐公喜雨亭中記共爾詩篇百世存  
康衢今日又擊壤不學秦人只扣盆闔郡豐年先有兆  
連江積水漫無痕勞農不惜如澆酒祭社盃論捲豆豚  
太史好編循吏傳漢家卓魯許無存

贈周益方

十年湖海學逃虛不向風塵嘆索居一騎夕陽芳草外  
九龍春雨杏花初黃金買地惟栽藥白日垂簾只看書  
分得金莖仙掌露可能惠及病相如

春寒十日兩無風銀燭金樽笑語同四海有人知國士  
半生無路問倉公悠悠世態浮雲外冉冉年光逝水中  
獨許紅顏生羽翰蒼生多少困疲癯

謝徐惟聲惟初

舊俸買田餘二頃一年僅熟兩年荒顏公有帖亦乞米  
孔子在陳魯絕糧不學監河待莊叟真成魯肅餽周郎  
捫心更憶前年事分取餘資到草堂

客囊近日常垂罄

王政如天解救荒自笑舉家惟食粥誰能訪友不賚糧  
飯山太瘦同工部鮮菜清貧類庾郎投老始諳南畝事  
十年尸素饌公堂

柚狂為吳思復作

青女飛花滿樹頭此鄉占斷洞庭秋歲充禹服九州貢  
人擬江陵千戶侯三斗盎中無此樂百花庄上更誰游  
傳柑不赴金門宴結社惟應到橘洲

贈陳豫齋

百年時序苦駸駸江上元龍喜合簪細雨落花成漫興  
東風啼鳥不驚心杜陵灤水移家住賀老稽山載酒尋  
百尺樓頭醉吹笛下方人聽一龍吟

賀前人得子

頭玉峽峽秀所鍾人間添箇小元龍傳家得此無憂事  
對客從今有笑容晚圃築場登祀種秋池命酒醉芙蓉

老夫亦有生孫喜霜夕相歡月曉鍾

送訓術陳公禮善星命東徐梅雪

客邊繼繼欲留衣湖海元龍世所稀筆底風雲生簡牘  
胸中星斗運瓊璣一杯別酒看花飲十幅征帆帶雨飛  
若見南州老東道為言千里眇餘輝

壽張渚張元哲

金紫家聲起宋朝荆溪華胄不遙遙素榆晚景誰同會  
松栢貞姿獨後凋金縷過雲歌嫋嫋玉花飛雪舞飄飄  
從今更歷三千歲身世昇平樂事饒

贈司訓徐汝陽

花滿春壇芹滿池相逢何異舊相知纔看魯觀書雲日



又值程門立雪時清氣金莖承玉露高情紅袖擁烏絲  
后渠天祿曾虛席莫遣長楊獻賦遲

上塚哭弟華仲

兒已成婚女已歸孀居白首是重闌一區舊宅時常葺  
百畝良田歲不饑天地無情吾輩老山川良是昔人非  
九泉會面相期近自古人生七十稀

書懷寄翟舜民

閉門三日聽春雨白髮任教春事遲新水池塘出科斗  
殘花庭院落辛夷浮生荏叟夢蝴蝶至味盧敖食蛤蜊  
自笑坐馳猶未免舊遊遙念在天涯

登定山成化十一年

吾今行年五十七纔上定山第一峯眼空下方土培塿  
足踏上界金芙蓉入海依微三島路去天只尺萬年松  
銀河隱隱西流急欲借餘波淬筆鋒

清明上祖壠

累累舊塚並新塋宿草春風吹又生七世相傳多子姓  
四時追祭俗染成同宗不受他人拜往事偏傷我輩情  
富貴浮雲幾家在荒坵翁仲泣清明

次韻題芍藥

近侍名高到處傳錦亭風日占春妍一枝折贈情何限  
五鼎調來味更全作相恥居安石後爭雄甘讓廣陵先  
少年曾入萬花會盡日歌鍾惱醉眠

次韻殘牡丹

罷向花前唱小絃杜鵑啼血送殘紅洗粧漫濕薔薇露  
倚醉空吹芍藥風絕品更無傾國配幻身不與墜樓同  
莫因榮悴成欣戚把酒來澆磊隗胸

課農寄華修業

堯舜垂衣御九重籍田軫念在吾農三時有事誰能緩  
九賦惟貞敢不供在野小臣真蟻虱滿朝賢輔盡夔龍  
年年飽暖無餘事三祝惟應效華封

永思堂為武進熊公作

君陳令德東郊尹今見熊侯重孝思教策決科來製錦  
自公退食坐垂帷孤雲注目三千里一日馳心十二時

伐石大鑄堂碑記後人如誦白華詩

次韻元日早朝

夷夏瞻依紫極宮一丸何必更東封玉球鳴屢來簫鳳  
寶扇開時見

袞龍倅壤也迎陽氣早近臣偏受渥恩濃鴻圖億萬知  
何限花甲頻頻紀著雍

寶函分出益珠宮點檢金泥舊賜封北異三千貢驟北  
中天九五觀飛龍侍臣常得清光近太史先占瑞氣濃  
制作于今兼百代更無他筆獻三雍

一天和氣謁王宮多少函章曉拆封稽首萬年同拜虎  
為雲無日不從龍賜來瑞錦春霞祭分出宮壺湛露濃

借取周詩歌感德初章蕭蕭更雍雍

壽泝泝將送器乃翁

竇氏靈椿高拂雲小山叢桂散清芬玉枝不汗年年好  
鐵笛飛聲處處聞客到荆南尋橘叟雀來勾曲載茆君  
乳泉涼似金莖露酌入霞觴醉十分

用聶大年玩芳亭韻東梅郡博時寓淮安

草亭何處測之西主者題詩我復題花竹但教隨處有  
棟梁何必與雲齊綠鋤曉圃情來甲紅剝春餅醉後泥  
幾度講堂歸去晚坐看高樹雀雙棲  
流水浮雲東復西玩芳亭子客中題近來籠竹新梢出  
直與檀林老幹齊紅藥未翻先有白沙不洗自無泥

練江風景亦如此慚愧幽禽得故樓

在類張筵日未西揮毫時復有新題同來社友金蘭好  
侍立門生玉笋齊鷓鴣一聲春似海鷓鴣馬百哥醉如泥  
于今別意同江燕故壘秋風不耐棲

颯颯涼風屋角西篝燈深夜自緘題病來青鏤多荒落  
忙裡烏絲欠整齊銅雀百年知有墨黎陽千里恨無泥  
玉蟾滴盡銀蟾沒城上鷓鴣尚未棲

陳德光竹林書屋

漫說風流晉七賢歲書樓得兩三椽字臨蘇子黃州記  
詩誦衛風淇澳篇个个琅玕秋不洗珊瑚環珮夜無眠  
此中栖得丹山鳳指日高飛上九天

謝余鄒憲士英羊裘作守時所贈

何必千金買鷓鴣未應孤白勝羔羊古人尺布謠堪笑  
今日綈袍意不忘六國誰能同季子一竿自許伴嚴光  
近來辟蠹香薰盡挈領時時向太陽

挽龔景祐

文采珊瑚玉雪安翛然幻化竟何之竇家椿樹餘千歲  
田氏荆花少一枝人海飛塵空滾滾泉臺大夜自遲遲  
西堂春草多佳句愁絕翻成薤露辭

蘭堂卜郎中詩集卷之三

